


# KULIFUKULA CHA YEZEVELE

 Echa etu tutwalileho kwimana katando kakandende, shimbu etu natuhana Kalunga kusakwilila hali echi. Echa tunongamenu mitwe yetu.

Ove wa likoji kaha Tata Kalunga Wajila, etu twawahilila nge Ove uli nge—nge Kalunga, kaha vene mukakufwa mulwola lwaukalu. Etu twasakwilila Ove hali ovyo Ove unalingi hali etu. Etu katweshi kuhasa kusolola, kufuma kumichima yetu, omu etu twasakwilila echi, kaha omu Ove mwiza nakutukula omu etu tuli muukalu. Etu tunalinangula, kuhichila mu myaka, kufwelela Ove na kufwelela Ove.

Kaha Ngwalombo, musana uno, Mwata, nge Ove muya nakuhingununa kukisula Chove hali ava vathu. Echa kuhone kuputa muthu mukachi ketu nge kusongo ya makumishilo akutanga. Kachi kuli umwe muno uze keshi wakwoloka na Kalunga ko, echa Ngolo jize jamusangwile Yesu kufuma muchimbumbembe, kuyoyesa mijimba, Mwata, na myono yavo, kaha kuvalumwina kuli Ove. Tuhane echi, Mwata. Vaze vakuzeneka Shipilitu Wajila, echa eli lipwenga likumbi limwe lyalinene lize vakiko kaveshi kukavulyamako, mwomwo echa chipwenga likumbi lize Kalunga kuhingununa Shipilitu Yenya hali vakiko. Tuhanecho echi, Mwata. Kukonekela jishili jetu.

Etu natuya nakulomba nge Ove muya nakukisula Ndumbu walunga Sullivan, ove wetu wa likoji kaha sepa lyetu wamwaza, na vishinganyeka vyenyi hali vathu, kaha kweseka kuneha kuhasa chosna ikiye ahashile, kuvakafwa vakiko. Ngwalombo nge Ove muya nakukisula Ndumbu walunga Sullivan.

Kisula vakakuzata mwahita lifuchi, kwosena. Vahane vakiko mwakulisala, Mwata. Echa vakiko vemane muno mukamenga na kuvilika Lizu lya Kalunga, mwomwo etu tuli nakuyoyela mu jiola jakusoka cha mijimbu ya mukaye. Echa kuwaha Chove chili nakufwika mulwola luno. Mwomwo etu twalombo echi mu Lijina lya Yesu. Amena.

Echa mutwame.

Nguli wakusakwilila kuli enu vathu nge, kuli Kalunga, hali echi. Ndumbu walunga Sullivan ambachile hali lyavene. Ove wamono, echi keshi chakwolokako hali Ndumbu walunga Sullivan kulinga ngachize, shikaho etu twapwile vakuzanga hali echi. Etu twasakwilila ha likoji lyove.

<sup>2</sup> Kaha, jino, ha—ha wana wazangi, echi...ove kaweshi kulinga ngachiceko. Nduma, chize kasheshi chakutamoko. Talenu, kupwa kaha...vakiko kufweta nakulanda, vya mu hotelu na vya kulya, chumamuka etu tukwechi, kaha chize

chinapu kaha vyakutamo. Oloze ngwasakwilila, chikuma, kaha nachiya nakukafwa kamishonali na kuneha vathu kuli Kalunga. Kuze kakweshi kala mukamakanya kulanda na echi, kala wala, kwauchi chakuhenga, nachiya nakukavangisa chuma chakuhenga. Kaha Ngwalombo nge Kalunga mwahaka hamuchima kuze, kaha kuvulisa na teni sauzande, kala ndola, mokomoko—mokomoko ngwee, kamwe ize enu mwahanyine kutwala ku kutanga.

<sup>3</sup> Kaha, jino, Ngwatondo kusakwilila Maswalale va United States hakutwechela etu kupwa na eyi zuvo kupwa hano, kupwa na echi kutangisa. Nguli vene na kusakwilila vakiko na muchima wami wosena.

<sup>4</sup> Kaha nge omu Ngunevwushisa, Ndumbu walunga Sullivan ngwenyi vyuma vyosena vyatela kuvifweta mwakwoloka. Etu kanda kuseza eyi mbongi, kupwa na mukuli wa ngwee, oloze chuma kalavyuma vakazaminyine; etu katweshi nakufwela muli kala chuma nawa. Ove watela kupwa na mukuli nakalamuthu, ove watela kupwa hamwe na mukwoloka. Kaha kachi ove uli namukuli wamutuhu umwe, yako kuli vakiko na kuvalweka nge ove uli navo namukuli, oloze kukuhana kaha lwola lwalundende, kaha ove muya nakufweta. Talenu? Lwola lwosena, echi chinapu chamwaza... Echi chinapu lusona lwa Ukulishitu: kupwa wakushishika, kwoloka.

<sup>5</sup> Ove unatondo kuyoya nge omu uli nakuhanjika. Kachi ove kaweshi nakuyoya ove lyaveneko, naupwa ngachilihi nakupwa muthuumwe weka wakuyoya echi, wamono. Shikaho enu munapu mikanda yakusoneka, yakutanga kuli vathu vosena, shikaho lwola lwosena pweni vakushishika, vakwoloka, kaha vamuchano. Ambulula muchano, numba thuhu vavapi ngachilihi omu nachikukolesa chumachimwe. Ambulula muchano, kalamwosena, mwomwo ove unahase kwambulula mujila yoyimwe halwolalwosena. Kaha kachi ove mulweka makuli, ove watela kuya miliyoni milosi nakujinguluka, kaha hanga ove watela kukinduluka kunyima kuli chize kwonga cheka; kaha ove unalingi chumachachipi. Pwako kaha wakushishika, kaha ove unahase lwolalwosena kwambulula mujila yoyimwe mwomwo unapu muchano.

<sup>6</sup> Omu mukiko mujila na Mbimbiliya. Wambulule mujila Mbimbiliya yahanjika, kanda kupipukamo, yihanjike mujila kana... echi vachisoneka hano kaha—kaha enu munahase kwinyika munwe kuli chize. Echi chili—echi chili... eyi ikiko jila ove watela kuhonesa Satana. Satana ahanjikile kuli Yesu, “Kachi Ove wapwa Mwana Kalunga, echa tumone Ove kulinga chikomwesa. Vakiko ngwavo Ove ‘umukakulinga chikomwesa.’ Alumuna awa malolwa kupwa mbolo, kaha echa tutalenu. Ove uli nazala.”

<sup>7</sup> Ikiye ambile ngwenyi, “Oloze echi vachisoneka, Muthu keshi

kukayoyela ha mbolo kahako.” Talenu? Ikiye ambachile Lizu Ita Tata kaha kuhonesa liyavolo, hazevene. Shikaho enu munahase kulinga chuma chochimwe, kuhasa kufungulula liyavolo ha mavu eyi, na Lizu Iya Mwata.

<sup>8</sup> Kahajino, Nanguya lwola lwosena nakupwa wakuwahilila kuli Ndumbu walunga Sullivan. Echi chili... Ngukonekelenu hanjikiso kana: Ngwashingtonyeka omu vakiko valingishile Ndumbu walunga Sullivan uze Ikiye vamumbilile kusali ya kusoloka. Kuze kakweshi naumweko nge ikiye. Kuze kuli kaha umwe Ngwaliwanyine nyeni mu chiyoyelo chami kungwanukisa yami hali Ndumbu walunga Sullivan, nge apwile E. Howard Cadle. Ngunahono kutachikiza nge ikiye amutachikijile mokomoko nduma, kufuma ku—kufuma... Ndumbu walunga Cadle apwile wamwaza kanyike walunga wamwaka nge Ndumbu walunga Sullivan. Kaha ikiye akakachila kumavoko kushikumuka mumboloso kulutwe palanga chisakulo kuchifumisamo, kaha kuhanjika na mutwe nyeni kusali ikwavo, kaha ikiye apwile umwe E. Howard Cadle. Kaha shikaho Yami—Ngunawahilila kupwa Ndumbu walunga Sullivan nge sepa na ndumbu walunga mu Mujimbu wamwaza. Kaha Ngwalombo nge Kalunga mwaya nakumukisula na liuka lyenyi lyalindende hano, pwevo lyenyi wamwaza, vamwe vakuzanga.

<sup>9</sup> Kaha kuli enu, vakakuzata vakwavo vali hano, kuli enu na chikungulwilo chenu, Vakakunangula va Full Gospel, ha vyuma vimwe vya Chisoneka etu tunahase kukana na umwe namukwavo. Ngweji kukana ha vyuma vimwe na pwevo lyami. Kaha munatachikiza chumamuka chili? Ikiye azange chindanda cha maapo kaha Ngwazanga nyama ya ndungu, shikaho etu natulikana. Kaha Nangumilweka chuma muka Nangulinga na yami: Ngwazanga kuwaha na nyama yakakahya na ndungu (Ngunhase kwimna hazevene jino) kaha kuhingununa mavele helu yacho, kaha jino kuhingununa senga helu yacho; kaha, ndumbu walunga, ove ukwechi chumachimwe chakuhona kutela kulya! Pwevo lyami mwapwa na woma na chize. Ngunashinganyeka ikiye ali nawoma wa kufutula kana. Ikiye pamo nge ngachize, oloze munatachikiza omwo mapwevo vali, vakiko vali nawoma... Vakiko veji kupwa chikuma wamundende na kukakachila na ndongo na kuvatula vakiko kuvifuwa, kaha oloze vakiko vanatondo—vanatondo kukindulwisa. Chize chikiko chisemwa cha vakiko, Ngunafwila, shikaho kuli na... Kaha, oloze Ngwazanga chize. Jino, etu tweji kukananga hali chize, vyuma vikwavo etu tuli kanawa. Oloze, unamono, etu tuli keshi vakukupukako muchivwasano. Shikaho etu natuya nakumona chuma chochimwe, vandumbwami, oloze chuma chivene, etu tuli nakulya mbolo, chize chikiko chuma chivene.

<sup>10</sup> Hachikuku, cha lujimiko Iwa Shipilitu Wajila, kaha

kwiza cha Kulishitu, kaha nachize kwambulula chamujimbu chachinene, chikuku cha kunangula cha Mbimbililya, etu punduvene kwimana mulivoko na mulivoko na chize. Kupwa nge vamwe wamunene vandumbu vakulikasa, chakuzeneka mukeleko wa vikungulwilo, chakuzeneka kalachuma chakuhonesa etu, etu kutambuka nakuya ku Kavali nge umwe liswalale wamunene, hamwe.

<sup>11</sup> Kachi Nanguhasa kupwa kala kukafwa kuli enu, Nanguya nakupwa wakuwahilila kulinga echi. Kaha Ngunakunyuka nge ove muhanjika chuma chochimwe kuli yami. Kaha ove unahase kupwa kukafwa kuli yami. Kaha chize chikiko chuma chimwe ove unahase kulinga, nge Ngunatachikiza, chili nakungulombelela, nge Kalunga keshi kuhasa kwecha yami kuya mukuphanga. Ngwa—Ngwa—Ngwa... Echi kacheshi mu muchima wami kuya mwakuphanga, Ngwa—Ngwatondo kuya lika, Ngwatondo kulinga chize chinoloka. Mwomwo Ngunatachikiza, nge Ndumbu walunga Jack Moore angulwekele lwola lumwe, ikiye ambile ngwenyi, “Ndumbu walunga Branham, Kangweshi kwimana mujisapato jove mukuphanga chove, ha Likumbi lya Kusopesa, mwomwo Kalunga ali nakuya nakutonda echi kuli ove kukumbulula chachinene,” ngwenyi, “mwomwo Ikiye akuhanyine jimiliyoni ja vathu mumavoko ove.”

<sup>12</sup> Jino, kachi Ngunatachikiza Nguli nakuya nakwimana kuze na kukumbulula hali vase vathu, jino muyachi muka wa Mujimbu wamwaza Ngukuphanga kunangula? Muyachi muka wakushishika, omu Ngunakwate ndando ya Manyinga mumavoko ami? Kaha nge omu Ikiye anguhanyine wana na...kuphambakana muvuwimbimbi wakukuphanga, kala kushinganyeka cha muthu wamwaza mwatachikiza mwakuphanga kuli Kalunga. Kaha na chize, kachi Nangutwaminyina muthuumwe mujila yakuphanga mwomwo lizavu limwe ngwalyo, Kalunga mwaza nakukuphanga ha Likumbi lya Kusopesa.

<sup>13</sup> Oloze omwo Ngwamwene chimweno, hano keshi kunyima chikumako, kaha ngwewwile vakiko vathu kutambakana... Enu mbatenu mukanda waundende ufuku unahichi? Lize—lize Business Men’s Voice. Echi chamwaza. Kaha muze muchimweno... Lwolumwe etu natuya nakupwa na kusoneka mukuzalilila wakuzalilila; chize kacheshi chosenako. Oloze muli chize, kaha kumona chize, kaha Ngwemanyine haze nge—nge omu Ngunemana hano vene jino. Kaha Ngwawile nakutala hali yami lyavene haze ha kahela, kutala pwevo lyami, kaha kwimana hano kutala hali yami lyavene. Kaha hano hapwilenga vase vathu kwimana nakukuphanga nge omwo Ngwamwene ngwami, “Kumana Paulu atela kumusopesa ha Mujimbu wamwaza ikiye anangwile?”

<sup>14</sup> Ambile ngwenyi, “Eyo.”

15 Ngwambile ngwami, “Ngunanangulanga Lizu lyosena vene mujila ikiye alingile.”

16 Kaha jimiliyoni vatambakanyine, “Etu tuli nakunokela hali Chize!”

17 Omu mukiko mujila Ngwatondo kupwa omwo Nangukazauka kuze, talenu. Ngwatondo echi kupwa mujila kana, chochimwe nge ngachize, kupwa kaha omu ahanjikile Paulu. Kanda kutonda kuhaka chuma chimwe kuli Echi, kumbata chuma chimwe kufuma kuli Chize. Kupwa kaha omu yinahanjika Mbimbiliya, mukiko kaha Ngwatondo kulama nakuya, mwamono. Kaha mukiko vene, ove ulame ngachizevene, vikungulwilo kukala sali ili nakuya nakukatuka helu lya museto wakufumbukila Echi.

18 Kaha jino, lwola lwaluvulu, vandumbwami kushinganyeka nge Nguli wakufumbukila vandumbwami vamaalunga. Kalunga natachikiza mwakuhandunuka kufuma muli chize, kupwa kaha nge Ikiye natachikiza muchano uka. Talenu? Echi kacheshi kachakufumbukila vandumbwetuko, yinapu zachilo ize ili nakutulingisa kuhona kupwa kupwa vandumbu vamaalunga. Echi kacheshi Lizu lya Kalunga ko kutulama etu kufuma mukupwa muundumbu, yinapu zachilo ize etu tunalinungu nakwingila mukutuhonesa etu kupwa muundumbu. Echi chakwoloka. Shikaho, kulihi etu natwimana? Imana ha Lizu, kaha Kalunga mwaya nakukoka vathu vosena kuli Echi (echi chakwoloka) ha—hali chize. Kanda kaha kulivwasana na echi, vikungulwilo, chilame echi chipwethuhu muli Kalunga, kaha twalilaho kutambuka; kutwalilaho kutala nakusongo, kwachilila, Kalunga mwaya nakuneha kunoka cha echi.

19 Kuze kunapunga vyuma vyavivulu ove uli nalingi kuli yami, chize Ngwasakwilila. Jino kachi Nangukukafwa, kutwala ku kukuhana ove lihina lyalilombo mokomoko chumachimwe. Jino, kanda kuhula kunangula chami, mwomwo Kangweshi—Kangweshi nakufwila kulinga chizeko. Vathu vavavulu kusoneka kuli yami vihula ha kulimbata na kulukulula na vyangocho, echi chinapu chakukutangika muliuka. Ngweji kutwala kunyima lwolalwosena, kaha kuhanjika, “Hula kafunga kove.”

20 Vathu vangusonekele mikanda hano na kuhanjika, “Ngachilihi *echi*? Kaha nyi ngachilihi *echi*?” Ngweji kutuma mukanda cheka kukinduluka, ove muya nakuwanyina kuze. Talenu kafunga kove ha vyuma vyavindende mwomwo, hanyima ya vyosena, ikiye napu kafunga kove. Ikiye—ikiye napu uze—ikiye umwe uze Kalunga atumine kutala hali enu. Kaha etu tunahase kukana hali echi, kaha jino chize kulingisa chimalanganyi muliuka lyove. Etu katwatondele chizeko. Nduma! Nduma! Etu twatondo enu kwecha kulinga vyuma vize vya shili, vyuma kufuma mu Mbimbiliya, kaha twalilaho

kutambuka nakuya kuli Kalunga. Talenu? Kaha kachi ove muneha kulipika na vyuma nge ngachize, chize nachinehesa kulipika muliuka. Shikaho, Ngwatela kupwa kafunga kove kukulweka kulimbata na kulukuluka, kaha *evi* vyuma na *vikwavo* vyuma, echa ikiye kulinga ngachize. Ikiye napu ngamba ya Kalunga nawa, kaha ikiye ali wakulizanga kulinga chize.

<sup>21</sup> Anuka uze ka Samaliya uze awanyine uze lunga vamulemekele? Ikiye amunehale kuli ikiye muze mwakulamina (lize liuka) kaha kuhana uze muthu jingwee jivali, kaha amulwekele kachi ikiye natondo jikwavo mwakaya nakumufweta omu ikiye mwakeza. Shikaho, ikiye atambwile jingwee jivali, ikiye mangana ahase kukuka ove kachi ikiye napu muthu wa Kalunga. Kachi ikiye napu muthu wa Kalunga uze emana ha Lizu lya Kalunga, ikiye—ikiye akwechi chuma Kalunga amuhanyine: Shipilitu na Lizu. Echi chakwoloka? Natuya ngachilihi nakulifukula? Mu Shipilitu *na* mu Muchano. Kaha eli Lizu linapu Muchano. Echi chakwoloka?

<sup>22</sup> Jino, ngwasakwilila chikuma, cheka. Kaha jino, Nguli vene wakuzeya, kaha wakuzeya vene uno musana, Keshi kutwama mu zuvo yikwavo yavangeji shimbu Nguli nakuyoya. Lizavu lyakupenda lyalinene, kaha ufuku wosena, kuliveta vikolo na kutambakana, na mapwevo... Mamalelo! Ngwatwamine, ufuku wosena. Muze mukiko mwosena. Kaha shikaho Kangwa—Kangwatondo kupwa muzuvo yeka. Nanguya ku zuvo yavangeji. Nguli nakuya nakumbata motoka mangana Ngusavalemo, kuweluka hamavu kumwe. Nguli nakuya nakupwa na echi, ngutambwilenu mbalaka na chola chakusavalamo, mokomoko kumwe Ngunahase kuliwana amilyavene, kumwe. Echi chakwoloka.

<sup>23</sup> Echi chili ngocho chashili, eli lifuchi, shikangaho! Echi chili kuwahilila, kaha chakupola nakwishi. Hano vene muchihela chikwavo, mulifuchi lyove... Keshi kaha eli lifuchi, kwosena. Hano vene, myaka yayindende kunyima okwo, Ngwapwile mu—mu kuliwana cha kulifukula hano mulifuchi, mbongi yayinene. Kaha uze ufuku wa lizavu lya vakakulifukula, va orthodox church na vanyike, vapwile na kukunguluka. Kanda—Kanda lyehi... Ngunapunga mu Africa mwishi ya vihwanga na vyuma vyosena, Kanda lyehi nguvwenga kalachuma nge ngachize. Kaha chimene chashishileho, (Kangweshi kuhasa kumilweka enu vene, etu tuli lizavu lyakulifutula)... kusavala hamavu, vyuma vyashili vize vinapu vyakulinga, mitumwa yawala kwosena. Kaha vaze vanyike, vanyike vamaalunga na vamaapwevo muze mukapete ufuku wosena, hamwe. Kaha chimene chashishileho, uze “tata wajila” natwame kuze, kaha vakiko vejile nakulifukula kuli ikiye nge *ngachize*. Mwishi ya Lijina lya Yesu Kulishitu!

<sup>24</sup> Kutala Ngunazaluka? Chumamuka—chumamuka chinashupu na yami? Kangweshi kuhasa kwimana ha vyuma

kana! Echi. . . chumachimwe changuhakile muvihanda vihanda omwo Nangukamona chize. Echi chinapu kwimanyinako Mwata Yesu? Vakakunwa, viwanyino vyaujila na vyuma vyaujila nge. . . kuzachila hali vakiko vakweze vamaunga na mapwevo, kusala hamavu na kwingila muvizuma vyamajilo, na mitumwa na. . . Mamaah, yami, kuwaha kana! Kumana muvuluka chize kupwa Ukulishitu? Shikangaho kaye kali museteko ya shili. Chamwaza, nyi mukashili mwahanjika ika omu ikiye mwatala hali chize? Masauzande avakiko.

<sup>25</sup> Vaze vanyike vamaunga shikaho kunwa vakiko kavahashile kwimanako, kaha mukapete ufuku wosena na vaze vanyike vamaunga, kaha kumajilo vene kuhanjika kulinove muchiyoyelo chove. Ngunahake misau kumutwe wami nge *ngachize*, kweseka kusavala. Muze mumavu, kunwa, kaha kulaha helu nahamavu kushikumuka nge *ngachize*, vakakulifukula!

<sup>26</sup> Jino, Ngunahase kushinganyeka kupwa vathu vakashili nge, jino, nge kuvavuluka vakakuhema, kulovoka hano mukuhema. Umwe kanyike kami kupukuya kuze kukuwelala, Nanguya nakumufumisa mulize lifuchi. Hu-huu. Kuvuluka chize kupwa kuhema, nge keshi kuhemako. Chumamuka echi. . . Kachi ove unatondo kupwa wakwoloka, kupwa wakwoloka na Kalunga. Muchano.

<sup>27</sup> Ngwatondo kutanga hali enu, mazu osena kufuma mu Mbimbiliya. Enu namuwana awa mazu amandende Ngwatondo kutanga hano ha kutanga, kuwana mu kapetulu 17 wa Vamyangana Watete, vasi yatete.

*. . . Omu ayoya Yehova tu ou Kalunga ka Isalale, ou ngweji kwimananga kumeso eyi, kakweshi kukapwa mume chipwe vula muli myaka eyi, . . . kuvangila ha lizu lyami.*

Vamyangana Watete, kape 1- . . . 17 kapetulu, vasi 1.

<sup>28</sup> Kachi ngunahase kumitumina lilesu lya kulombelela, kalalwola, ngusonekele yami; kalaliki hano, uze ali hano jino, Ndumbu walunga Maguire. Vangahi vakwechi lilesu lya lilombo lya kufuma kuli etu? Echa tumone livoko lyove. Imana, Ndumbu walunga Jim. Ngwatondo kumona. . . ove, na pwevo lyove nawa. Hano ou kalaliki kami na pwevo lyenyi, vamwe vaze veji kuzatanga, vakiko veji kutumanga. . . Uze ikiye kanyike walunga na wapwevo uze mweji kutumanga kuli enu malesu akulombelela kufuma mukuliwana, vosena kupwa Vakulishitu vakujila. Kaha lize lizu, lize lizu lyalindende liyema kwivwa ha shinga omu enu muli nakungusanyika, uze ikiye pwevo wakalemesa wamundende natwame kuze, pwevo lyenyi. Ise na naye, kaha vakiko, vali hano na etu lelo; kaha—kaha vamwe vakuzanga, vosena kujinguluka. Shikaho. . . Kaha jino enu munatachikiza wande wami wa kalaliki, Mukulwane

Mercier, Ndumbu walunga Leo Mercier, ikiye ali hano kumwe, kaha Ndumbu walunga Gene Goad. Kaha shikaho kachi etu natumitumina lilesu lyakulombela, kalalwola, kalachuma etu tunahase kulinga, valombeledenunga enu ha shinga; kalachuma etu tunahase kulinga, etu natuya nakuchilinga.

<sup>29</sup> Ou lunga wakusoloka ungeji na mutondo mulivoko lyenu, najitembo jakwimana, meso neyi kuvwakuma na Upahu wa Kalunga, wevwu wenyi kusali ya ikiye, kashinakaji nachihanda cha lilambu lya mukoko kulijingilika, ikiye apwile nakupwa nakulinga tambo kupwa wimanyino na kutambuka mujila yakuya ku Samaliya. Ikiye kapwile chikuma wakutala hali, oloze ikiye apwile na MUKIKO MWANAMBE MWATA ha lifuchi lyalinene lya Isalele. Yaa, Elija wa Kuchishivi, kapolofweto ka Mwata. Ikiye kapwile chikuma wakutalako, oloze ikiye apwile na Lizu lya Mwata.

<sup>30</sup> Ikiye kapwile nawomako kwimana kumeso a mwangana, mwomwo ikiye apwilenga Kumeso a mwangana wamunene kuhambakana mwangana, ikiye napunga Kumeso a Yehova. Shikangaho, ikiye atachikijile oho emanyinyine. Kaha omu ikiye atambukile kumeso a mwangana ikiye katalyangile na kukukuma, ikiye atachikijile chumamuka ikiye atachikijile chumamuka ikiye apwile nakuhanjika hali chize. Ikiye ahashile kuhanjika kuli mwangana, “MUKIKO MWANAMBE MWATA KALUNGA KA ISALELE, ‘Nakukaya nakupwa kwakuhona vula mokomoko lyume palanga omu Nangukaya nakuyisanyika.’” Mwomwoika ikiye ahanjikile ngachize, “Palanga nomu Nangukasanyika. Kutesekesa na lizu *lyami*”? Mwomwo ikiye apwilenga na Lizu lya Mwata, ikiye apwilenga kapolofweto, kaha kapolofweto ali na Lizu lya Mwata.

<sup>31</sup> Echi chinapu chuma chakukolesa kumona kulinunga mukachi ka Isalele wa Tesitamende Yamwaka na America jino. Vosena vapwile mafuchi amanene. Vosena vavali vanavawane, kaha vathu javo kwiza kuze, mwomwo ya kuyanjiwisa hakulifukula.

<sup>32</sup> Isalele vavayanjiwishile kuli Fwalo kaha vanapunga muundungo ha myaka handulendi, kuze vakiko vapwile vakunyowesa mukulifukula muchano na Kalunga wakuyoya, kaha vanapunga vakunyowesa ha lisesa lize; kaha vakiko kwiza nakupwa vandungo. Oloze Kalunga avashikile lushiko mu Mbimbiliya Yenye, mokomoko mu Lizu Lyenyi, na tupolofweto Twenyi, nge Ikiye avahanyine lifuchi. Kaha vakiko vejile nakwingila mulifuchi na kufumisamo vatwamamo muze mulifuchi, kaha kupwa vakuheta uswana wavo, mwomwo Kalunga apwile na punga ya kulinga chize.

<sup>33</sup> Kaha shikaho eli linapu lifuchi lyalinene kupwa lyetu. Etu tuneza hano, kaha ha Lilolwa Lyakukola lino lifuchi valilwanyinyine ha kukasunuka cha kulifukula mwomwo



vakakuluka jetu vachinyine mwomwo ya kuyanjiwisa cha Vakaloma cha zajiso ya Yezevele wakutona, kaha vejile na kwimana kuyanjiwisa chachivulu na kujiha mwomwo ya zachiso ya Yezevele. Kaha kutesekesa na Mbimbiliya, mu Kusoloka, kapetulu 13, Kalunga ashikile vakiko kaswelokwe, kaha chihela, mwomwoya mapwevo vapwile vakumbachiwa nakwingila muchipapa muze ikiye achinyinyine ha lwola, na halwola, na chimbwa cha lwola. Kalunga ashikile lushiko kuli America, mokomoko kuliuka (kuli pwevo), kwiza muli lino lifuchi.

<sup>34</sup> Enu mwatalisanga Kusoloka 13? Visuma vakwavo valovokele kufuma mukalungalwiji, meya; Kusoloka 17:17, ambile ngwenyi, “Aze vimeya wamonanga anapu kuhima na kuvula cha vathu.” Tunyama vosena, vakiko kwiza nakulovoka muvimeya, kuhima na kuvula cha vathu. Oloze omu va United States vejile, “Yejile nakulovoka kufuma mumavu muze mwapwilenga mwakuzeneka vathu.” Kaha anuka, omwo chejile, chasolokele nge mwana mukoko wamundende.

<sup>35</sup> Jino, mwana mukoko apwile na jimbinga jivali, kaha chize kulumbununa jita na jingolo ja kwambulula. Oloze omwo vakiko vali vakulinunga, anuka, kahajino uze mwana mukoko ahanjikile nge chazangombe alingile shimbu kanda ikiye; kaha chazangombe apwilenga Loma.

<sup>36</sup> Omu uze chazangombe emanyine kumeso a pwevo mangana amwenyeye haze vene asemukile, uze chazangombe uchila... Uze emanyine kumeso auze pwevo ka Isalele, mangana kwenyeka uze Mwana hazevene Mwasemuka, kaha kutuma kuyanjiwisa na kumujihila vana venyi muyaka yivali nakushikumwisa? “Loma, uze chazangombe, kwimana kuli uze pwevo nakutonda kwenyeka mwana hazevene atondekele kusemuka.”

<sup>37</sup> Kaha jino, etu kuwana, nge eli lifuchi kwiza nge lifuchi lyakuchina, kaha apwile...apwile na mwana mukoko, kulumbununa mwana Mukoko wa Kalunga. Oloze, hanyima chindende, eyi zachiso yoyimwe ize etu tuli nacho, kuhanjika nge chazangombe na kuzata mwoosena na ngolo josena nge chazangombe kumeso a ikiye.

<sup>38</sup> Vakiko vali nakwendela hamwe, umwe namukwavo, mwakukupuka. Kaha anuka omwo evi...Isalele ejile nakumbatambo linyi na Palachise, kuvafumisamo vakakutwamamo mulifuchi na kuheta lize lifuchi. Etu kwiza nakwingila na kuvatambulalyo Maindians, kuvafumisamo muze mulifuchi. Kalunga vapwile na mulonga wakulinga ngachize. Kalunga apwile nakuya nakusolola kaye chuma Ikiye nahase kulinga na—na lizavu lyalindende lya vathu vase vatondele kukasunuka, na kukasunuka cha kulifukula, kuzachila Kalunga.

<sup>39</sup> Chuma muka vakiko valingile hali va Isalele? Ikiye alingishile Isalele kupwa lifuchi lyaundume mukaye, kaha ikiye atwamine muli ize jila palanga ikiye kulovoka nakufuma mupunga ya Kalunga. Chuma muka Ikiye alingile na America? Ikiye amulingishile kupwa lifuchi lya undume muno mukaye palanga ikiye kuheta nahaseto yakufuma mupunga ya Kalunga. Kulimbalaka, umwe namukwavo, mukiko vene.

<sup>40</sup> Omwo Isalele ejile muze mulifuchi, vakiko vapwilenga na— na vathu vavanene mwomwo vakiko vapwile na utwamina waunene. Vakiko vapwile na muthu wakwivwa woma Kalunga hali vakiko, nge omu Ndavichi, Mwangana Solomone. Kaye kosena kumwivwa woma, kaha vakiko vasuulukile na lisesa lyakuhona jijita, maukalu auchi, kaha kuyoyela mwishi ya ngolo ja Kalunga, palanga vathu kufuma kwosena kukaye vatachikiza kwiza nakumumona. Kalunga avahanyine wana wa kutumbununa, chapwile hali Solomone. Kaha uze mwangana wapwevo kufuma Kunote, kufuma . . .mwangana wapwevo wa Sheva kwiza kwosena kuze nakuzauka Pambo ya Sahara (mutukweji vatatu) kwivwa kaha mangana a Solomone. Kaha omu ikiye amwene uze Solomone ahashile kutumbununa mashipilitu, kaha amulwekele ikiye vyakuswama vyapwile mumuchima wenyi, ikiye ambile ngwenyi, “Vyosena Ngwevwile ove kupwa mwakwoloka, na vyeka vikwavo.” Ikiye apwile wakukunyuka nge apwile Kalunga.

<sup>41</sup> Kaha America, ha chikuku cha vakakuluka jetu uze ejile hano ha kukasunuka cha kulifukula . . .Etu twapwanga na malunga vaukalunga mumakumbi aze, nge omu vatwamina: George Washington, Abraham Lincoln, malunga va vilinga vya vakakutanga, malunga va Kalunga. America apwilenga America, mumakumbi aze.

<sup>42</sup> George Washington, hano ha Valley Forge, shimbu kanda ikiye azaukile Delaware, kulomba ufuku wosena, palanga ikiye apwile wakuzova vene mbwe na mumbunda, kufukama mu meya amakaza. Kaha chimene chashishileho omwo va America vaputukile kuzauka, kuze kwapwile pamo twende pesenti yavo vapwilenga na jisapato jakuwala, Maswalale ja America. Oloze vakiko vapwile na jishimbi, vakiko vapwile nachuma chimwe chize vakiko vatela kuzunga. Vakiko valizakaminenyineko chumamuka na chiza mokomoko chayile. Vaze vanjimi kwiza nakwingila, kwimana mumusau na kutala hali ngombe, kaha kupwa na uta na kuya nakuzungila chuma ikiye atachikijile kupwa kukasunuka. Kaha likumbi lyashishileho, Ngwafwelela chapwile, mena awana mokomoko atanu avilyanga, vituku vya vilyanga, kuya nakuhita muchikuto kaha litepa na kuhina kukwatamo.

<sup>43</sup> Malunga ja Kalunga, vaze valiwanyine eli lifuchi, malunga vavanene! Shikangaho vakiko vasonekele:

Echa lifuchi lyetu lipwenga zwalala  
 Na kukasunuka na kumunyika chajila,  
 Tukinge Etu na undume,  
 Kalunga Wamunene, Mwangana wetu!

<sup>44</sup> Lwola lumwe kunyima okwo, Ngwahanjikile kuli kashinakaji kuze ku Corydon, Indiana. Ikiye angulwekele pamo omu capitol apwile mu Corydon, kaha omu ikiye... ambile ngwenyi omu ikiye ayile nakwingila muchikochikala nakwivwa na—na kuhanjika kuli nguvulu. Kaha ikiye na nguvulu apwile vamwe vavali na vihanda vivali, na suti, navwale. Ambile ngwenyi ikiye eji kulamanga mikoko na kuvateula, kaha kukosa ungoni wavo, vandumbwenyi vamaapwevo kuvinda nakumupangila chikuto chakuvwala nacho mulukwe. Kaha uze kashinakaji natwame kuze, jino pamo eyite faifi mokomoko nayite myaka yakusemuka, kukoka wevwu nge *ngachize*, kaha ikiye ambile ngwenyi, “Billy, muze vakiko vapwile *Amerikee* kupwa *Amerikee*.”

<sup>45</sup> Ngwatalile hali uze kashinakaji, kaha Ngwashinganyekele, “Kanyike walunga, ove, ukwechi ava vakweze kaveshi kuhasa kufwelelako echi, oloze ove uli nakuvalweka muchano.”

<sup>46</sup> Chumamuka chasolokele kuli va Isalele hanyima yakupwa na chikuku cha kukomoka kalunga? Vakiko vaputukile kupwa vakuzakama. Vakiko vaputukile kupwa na chihela kuze vakiko, chamwaza, vakiko kavazakamineko chumamuka chatwalilaho. Vakiko vaputukile kuya nakushipwokela kulifukula chavo kuli Kalunga, chipwethuhu vakiko vapwile na kulifukula chakulifwanyisa kupwa nge omu tuli. Vakiko vapwile na kufwana chakumukomoka kalunga. Oloze vakiko vaputukile kupwa vakukasunuka na vathu javo, kaha—kaha vakiko vaputukile kuneha kusekeleka chakuhandunuka mumauka avo. Chize kulifukula cha Mbalamu kuputuka kwingilamo, kaha Isalele kwiza nakupwa chiseke chakuzaluka, nakunwa, kaha vyuma kana nge ngachize, kaha makumishilo kuneha twamina uze katachikijile Kalunga; Ahave, uze aswanyine ise. Kaha ise apwile muthu wakuzeneka kumukomoka kalunga, muthu wakupita, oloze muthu wakuzeneka kumukomoka kalunga. Kaha ikiye alingile jishili josena, kuhambakana kala muthu shimbu kanda ikiye alinge. Oloze Isalele, muze mukunwa chikupu, vakiko kuhaka muthu nge ngachize, kaha kulihaka ikiye ha litanda kupwa twamina hali vakiko. Vakiko vashinganyekele nge chapwile chakwoloka, chochimwe nge vaka America vavavulu veji kulinganga lelo, “Ikiye apwile mukamilingu wamwaza, shikaho chumamuka chakuhandunuka kulinga ngachize? Echi kachapwile chakuhandunuka, mwomwo ikiye apwile mukamilingu wamwaza.”

<sup>47</sup> Vaka America vavavulu, vavavulu muli vakiko, valanjishile utwatwa wavo, nge vaka America, kaha kuhanjika, “Chihandwa muka chalingika, nge enu namumbata mandola akwavo kufuma

mu fulumende na kuyoya?” Vakiko kulanjisa kulijimo, kaha lwiso na pwila ya shili ya kaye, kaha kuvulyama vyuma vivene nge etu kupwa na Lilolwa Lyalinene. Vakiko kuvulyama luheto lwetu, kaha na kulanjisa kufuma muchiseke cha kuzaluka na mazavu. Nge omu chapwile mumakumbi a Isalele, shikaho chinapunga, America ambachile jila yoyimwe, kushikumuka mujila yoyimwe, kuwaha!

<sup>48</sup> Hanyima chindende, fulumende kuneha shili: “Kupwa kaha mu sunangonga, chumamuka chakumhandunuka kulinga echi?” Chize chapwile chakwoloka chumamuka vaka America valingile. Kaha na etu kuputuka kulivwasana etu vavene hamwe na kupwa mumazavu amandende, kaha kupwa vakashili chikuma, vakashili chikuma, vakashili chikuma. Etu twatwame na jishimbi jamwenemwene nge etu kupwa hano! Shili kuputuka kutanjila nakwingila mumauka kupwa kaha kulinga jino. Mapwevo kuputuka kuvatula kambu javo, kuvwala mamuvwalo aujila, kuvatula kala mwaka na... Kaha malunga kuputuka kulinga *echi*, *chize*, na *chikwavo*, kaha kuhema makati na kupwa na bunco games muliuka, kaha kupwa kaha na kaye nge vakiko omu vapwile, chiseke chakuzaluka, kunwa chakuzeneka mangana.

<sup>49</sup> Vakakuzata kukumisa kufuma kushikola, kaha mbishopu kuhanjika, “Kunangula, vanyike vamaunga, kala chuma ove unatondo. Nge omu Nguli nakuhaka, manyinga a Yesu Kulishitu omine myaka naiteni handulendi kunyima okwo.” Palanga lize liuka kupwa chamokomoko oloze lizavu, nge zuvo yavangeji. Echa enu muhone kuvulama ou musana! Kwiza nge nge zuvo yavangeji, kaye kuputuka kutanjilamo, vakakuzata kuputuka kulivwasana nge omu vakiko valinga mumakumbi a Ahave. Chashili, kupola nakusongo, kaha hali na kutwalaho kuya na kupwa chikuma nge omu ahashile kuya.

<sup>50</sup> Chipwethuhu Kalunga avatuminyine kapolofweto hanyima ya kapolofweto, kaha nakeke jajivulu Ikiye kulembelela vathu, kaha vakiko kwalumuka jinyima javo hali Echi. Vakiko vatondele jila javo, vakiko vapwile va Isalele, vakiko vapwile vakukasunuka, vakiko vapwile lifuchi lyalinene, vakakuluka javo valingile *munganji mukananga* (Ndavichi na Solomon), vakiko vahashile kulinga chuma vakiko vatondele kulinga. Kupwa na vyuma vyovimwe vize etu kupwa vakukundamina hali etu vavene, mukiko kaha; chumamuka Washington, vakakuluka jetu, kaha chuma vakiko vemanjine. Oloze, ndumbu walunga, etu tuli miliyoni milosi kufuma kuvyuma kana; mauka etu ali, miliyoni milosi.

<sup>51</sup> Vaze vamwaka... Lize liuka lya Mesondisiti lelo, kupezalisa naliuka lya Mesondisiti omu lyapwilenga! Omu vali va Pendekosita lelo, kaha chumamuka chapwilenga nakupwa! Chumamuka va Mbaputishiti vali lelo, na omu lya pwilenga! Etu twapilenga na lwola kunyima okwo na kuhanjika hali

John Smith na vavavulu vakakutungulula. Johna Smith ngwenyi, shimbu kanda ikiye afwenga, ambile ngwenyi, “Chuma chachikalu chize mapwevo va Mesondisiti vanaputuka kulinga kuvwala tuzeya vaulu kuminwe yavo.” Mesondisiti! Chuma muka ikiye mwahanjika lelo kumona vakiko na jikambu javo jakuvatula, na kufunda kumeso avo, kuvwala jiputula? Echi chili mwomwo ya shili!

<sup>52</sup> Chuma muka Kalunga alingile mu America? Kutuma kuhizumuka hanyima ya kuhizumuka, kuhizumuka hanyima ya kuhizumuka. Vakakuzata vananangula eli Lizu, kweseka nakusanyika vathu kukinduluka kuli Kalunga. Kaha chumamuka vakiko valingile? Chuma chochimwe chize Isalele alingile, kukana Echi! Kusekeleka vakiko! Kuvasanyika vakiko kupwa “vakakujila vakulyalanga”! Kuvambila mutolongo!

<sup>53</sup> Kachi umwe hali vandumbwami kaha umwe wava ndumbwami vamaunga, kulovoka muliuka lelo, kachi vemanjine muze muhoteli ufuku unahichi kaha kukartula mavoko avo kaha kumwalisa Kalunga kaha kutambakana muze mukapete, vakiko navaya nakupwa mujele lelo hali echi. Oloze chitakwa, lizavu lya chileya “vakakujila vakulyalanga” vanahase kwimana kuze na kutambakana ufuku wosena; kaha kunwa, kaha kulipika nakulikokangiza muuvwalo wavo wamapwevo na kutwalilaho, kaha kuholoka hamavu na kutambakana ufuku wosena, kaha vakiko kaveshi kuhanjika lizu hali echiko. Shikangaho etu tuli nakulinga mwishi ya livoko lya Kalunga!

<sup>54</sup> Tachikizenu, hali na lika, Kalunga atumine vakakuzata, kuzata vinjikizo na vihayamisa, kwinjikiza Lizu Lyenyi. Kaha chuma chimwe chamwaza, vavavulu vakakutangisa vakutona kuchalumuna Echi na kusekeleka ha kala kuhizumuka. Nge vavuluka ngwavo Liuka lya Kulishitu na vakiko, “Makumbi avikomwesa ahita lyehi.” Kweseka mwavo mwosena kusoka nakufumisa kufuma muli wamundende wakusala kuli Kalunga. Nge omu chapwile muli va Isalele, shikaho mukiko chili na lelo. Lwola lwaluvulu, Kalunga atela kumbata vathu Jenyi kuvafumisa muvikungulwilo na vikungulwilo, kumbata vakiko kusalovola kufuma mupambo ukawenyi, kuhanjika kuli vakiko. Kaha Ikiye ali nakuya nakupwa na vanasaleho, kanda kulizakamina hali chize. Ikiye alingile jino, Ikiye mwaya jino. Haze na haze vakiko kuya nakuhita mushili, kulyalanga kuhita muvyuma. Mwomwoika? Utwamina wavo, kakweshi chuma cha kwimika echi.

<sup>55</sup> Chamwaza, wakushishika, Ngunatachikiza mafuchi amavulu nge kachi vakiko navakwata vathu mujila yakuvwala nge omu tuli nakulinga hano mu America, vakiko vavahakile mujele. Omwo Ngwayile ku Saint Angelo, mu Loma (jino, kushinganyeka hali echi, nge kushikumuka nge omu chili), vakiko vapwile na chinjikizo kuze, ku Saint Angelo catacomb,

“Kuli mapwevo va America: ‘Mwane kuvwala uvwalo na kavumbi vafu.’”

<sup>56</sup> Kachi kuli kalachuma chize nachikulingisa ove kuviza, chili shina kumona lizavu lya ava vavuluka kupwa vaka America kwiza nakwingilamo. Ngwapwile nakutwama mwishi, ha Lausanne, etu twapwile nakulya nyama yoyimwe, likumbi limwe, Ndumbu walunga Arganbright na Yami. Likumbi likwavo, etu twayile kunyima mwomwo yapwile kulya chamwaza. Ngunahase kupwa na meya amwe, vakiko kavahashile kuhanoko shina vinyo. Kaha Ngwambachile meya, Ngwawahakile mumulondo wa meya mwishi ya livoko lyami, lwola lwosena, mwomwo vakiko kavahashile kuhana meyako kuze kumesa. Jino Ngwayile kuze, kaha vyumavimwe vyapwile vyamwaza palanga “Mujike America” kwiza nakwingila chindende, majilo, kawa wamuzulu wakuchinuka; na chingelenge chakutamo chakufuma mu ten-cent store hali ikiye *ngachize*, kaha makanya kuze kusongo nge *ngachize*, kutwama hamavu kuhaka chumacchimwe nge *ngachize* ikiye kapwile; kaha kuhaka uze muzulu wakuchinuka wa uze kawa haze hamesa, majilo, chuma chaunyengwe.

<sup>57</sup> Echi chili...kawa napu chuma chachipi chize Kalunga eji kuhanjikanga. Numba chamulikumi kufuma hali vakiko kavahashile numba kuchifwetako muze muzuvo ya Kalunga. “Echi chapwile nge lihule, chamulikumi cha lihule,” mukiko yahanjika eyi Mbimbilya. Kaha, ohonyi, ove haze. Vakiko navazachisa jila yakuhonesa kusema na kufweta mandola masauzande, hakamwihi, mwomwo ya wamundende kawa wamuzulu; kaha kutetekele na kujinguluka kaha kuhana echi zangi ya mwana, shikaho ikiye kulaha kulovoka ufuku wosena, kaha kuya kupwa na kukanyisa kusema.

<sup>58</sup> Chuma cheka chauchi shina kulyenyeka! Ove pamo unahase kahona kwivwa lize cheka, oloze Ngwatondo ove kwanuka echi: Etu tuli kusongo!

<sup>59</sup> Kuze, etu tunawane chuma muka chasolokele, chuma muka chalingikile. Makumishilo, ola *yayinene* kwiza: Ahave apwile wakusakula, kaha omu ikiye alingile, ikiye ambachile Yezevele; uze pwevo wakupola uze alingishile Isalele kupwa kumakombelo. Kaha omu va Isalele alingile echi jino, mwomwoika, echi...Vakiko vatelele kupwa museteko yakulimbuka, kwechela chuma kana kusoloka mulifuchi lyavo. Jishimbi veji kujitunga kuvathu kupwa ja vathu, kaha etu tunalingi chuma chochimwe!

<sup>60</sup> Kwapwilenga lwola omwo America ahonene kupwa... vakiko vatachikijile kanawa kupwa na kwecha uze lihule wamwaka, uze lihule wamwaka kunwa aze manyinga avaze vajile, kuvajihia vakiko, kaha mulonga vakiko vachinyine hano, mwomwo yakukasunuka, vakiko kachi kavapwile nachuma

chimweko chakulinga nge ngachize. Echi chinasoloka etu tunapu museteko ya kulimbuka, lifuchi lyosena, kusakula wakufwana nge ngachize. Mamalelo, mukikovene, jino enu . . . enu vamwe muli vamwaza kupwa vamwaka vaka Democrats namuya nakushinganyeka echi, nge “Mamalelo, chamwaza, ikiye mwaya—ikiye mwaya nakupwa na mutwe wamwaza.” Chize kuvuma chaundume chakwoloka kushinganyeka, kuvishinganyeka vya chisemwa. Oloze ku Lizu Iya Kalunga na vishinganyeka vya mushipilitu, kavyeshi chamanganako. Punduvene kacheshi ngochoko, mandola amandende akusalaho na mitelo yimwe mokomoko chumachimwe nge ngachize kuvatuka.

<sup>61</sup> Kaha etu kupwa na lwola lwalukalu, ava mamishonali vali muwande lelo, mwomwo jino etu vatuvuluka kupwa lifuchi Iya Katolika. Mwomwoika, pundu, Russia vayivuluka kupwa communist mwomwo vakiko vakwechi twamina kacommunist. Red China kupwa communist mwomwo vakiko vakwechi twamina kacommunist. Etu vatuvuluka ngwavo Katolika mwomwo etu tuli na twamina wa Katolika.

<sup>62</sup> Mamalelo, omwo Ahave apwilenga ha litanda . . . Enu ngwenu, “*Ikiye* ali ha litanda.” Echi chakwoloka, oloze Yezevele apwile mutwe kunyima ya litanda. Ikiye apwilenga umwe uze apwile na kutwaminyina. Tala jino ikiye ambachile jishimbi kana ja lifuchi na kujalumuna nakujinguluka, kaha mwomwo yakungalanya na lifwa Iyenyi, kaha alingishile Ahave kulinga chize mwomwo ikiye vamumbachile kuli ikiye. Kaha omu mukiko mujila na twamina yetu lelo. Kangweshi nakuhanjika nge keshi muthu wamwazako, oloze tala chumamuka chili kunyima yenyi: uze lihule, chize chuma chivene chize etu tunachinyi hano (kupwa America) ha; eji vene jishimbi eji vaka America vanatungilaho. Etu, ha kusakula chetu chakukasunuka, kusakula chuma nge ngachize.

<sup>63</sup> Jino ove unamono mwomwoika lizu Iyami lili nakuya nakwimana kalinwaha. Oloze muthuumwe ali nakuya nakutachikiza! Eyo! Mwomwoika? Kusoloka 2:20, ikiye alivulukile Iyavene kupwa “kapolofweto wa pwevo.” Enu mwatela kutala kaha lijimo Iya shili kusoloka jino. Ove kutala vene kwishi. Ove kutala vakakutona, kutala kuzeneka kumukomoka kalunga kusoloka mumauka. “Kaha, makumishilo, kuli nakwiza kuyanjiwisa,” eyi Mbimbiliya yahanjika ngocho, MUKIKO MWANAMBE MWATA! Punduvene, nakuya nakupwa.

<sup>64</sup> Kahajino chuma muka nachiya nakusoloka? Chochimwe nge omu chalingikile jino, shikaho nachiya nakupwa jino. Ikiye apwilenga na ngolo kunyima yacho, ikiye apwilenga umwe uze eji kujitwaminyinanga. Tangenu echi . . . Ngwafwelela echi chili- . . . ha kapetulu 17 mokomoko kapetulu 18, muze, enu namuya nakuwana Yezevele chuma alingile: omu ikiye

ambachile Ahave, kaha ikiye kahashile kuhanjika chuma chimweko hali echi mwomwo apwile pwevo lyenyi. Tala hachikuku muka lifuchi valitungilaho jino, ha Isalele yakulimbuka na pwevo mukamakombelo (kunyima yenyi) uze apwilenga mukakulifukula Mbale. Kaha chumamuka ikiye alingile? Ikiye makumishilo atungile vyumavimwe kupwa vyakutona kaha vyamwaza, kaha vathu vachimwene kupwa chachashi, palanga liuka lyosena lyaholokele hali echi, vakakunangula na voseni. Kumana Elija kahanjikile ngwenyi, “Mwata, Yami kaha ukawami ngunasaleko”? Kaha nge omu chapwile jino, chili nakwendela hamwe na lelo.

<sup>65</sup> Vosena vapwile na woma wakuhanjika kalachuma. Kumana kacheshi nge chumachimwe na leloko? Vakiko vapwile nawoma kuhanjika chumachimwe. Shikaho etu tunawane, vakiko vapwile kaha vakukasunuka, kalamwosena, kunwa, nakutwalilaho, chiseke chakuzaluka, kaha vyuma vyosena nawa, nge omu chili lelo. Yezevele kuchongonona Visoneka. . . Chumamuka ikiye. . . mokomoko jize jishimbi, nge—nge Yezevele mwaya nakuchongonona. Anuka, Yezevele, ikiye alivuluka lyavene kupwa “kapolofweto wapwevo,” kutetekela vathu, kaha ikiye kuhanjika nge ikiye napu “lize lizu kaha lya Kalunga hano hamavu.” Ikiye mwaya nakulingisa vishinganyeka vya chisemwa kufwelela nge omu kapwa kaye.

<sup>66</sup> “Kuli nakwiza nakulifukula kuli pwevo, mu United States, kaha uze mwaya nakupwa Maliya.” Ngunachimono, mumaseti. . . 1931. Vyuma vya vitanu navivali kusoloka. Nguvikwechi hano vene halipapilo, na yami, vyakusoneka mu 1931. Omu Ngwahanjikile vize “Ou Kolokoko, Franklin D. Roosevelt, ikiye mwaya nakulingisa kaye kosena, kukafwa echi kulingika, kutuma kaye kujita.” Kanda ezenga kujita, mulwola lwa kushikumuka. Ngwambile ngwami, “Chuma chikwavo, . . .” Kaha mama yami, apwile mutanda wa Democrat, kachi ikiye mwahona kutala hali yami chikuma omwo Ngwahanjikile chize. Ngwambile ngwami, “Kangwalizakaminako kachi ikiye apwile ka Republican mokomoko kachi ikiye apwile Socialist mokomoko kalamwosena ikiye ali, echi chinapu MUKIKO MWANAMBE MWATA.” Kaha Ngwambile ngwami, “Kulinga echi, vakiko vali nakwitavila mapwevo kuvota. Kaha omu navakalinga ngachize, vakiko kaha vanalingi chumachimwe chasonyi yayinene muli lino lifuchi echi kanda chilingike.” Kaha Ngwambile ngwami, “Likumbi limwe vakiko navaya nakufweta hali chize.” Kaha vakiko valingile ha kusakula chamakumishilo. Chize chikiko chamusakula ikiye, mapwevo.

<sup>67</sup> Kaha enu vathu vamwaza vamilatu, muli ku Sango, omu enu mwavotele! Enu ngwenu, “Ove kamweshi namulimo wakuhanjika echi mukamenga.” Mamalelo, eyo, Ngukwechi, eli linapu Lizu lya Kalunga! Kaha lipenga lya—lya Abraham Lincoln, lize limwe lyamichinyishile, lili muze muzuvo



yakulamina vyamwaka ha ndeleji ya pwevo, kaha enu namuya nakulanjisa utwatwa wenu. Sonyi hali enu.

<sup>68</sup> Kaha enu vathu, ha milingu, mwomwo enu munapu kaha vamwaza vaka Democrat, mwavotele chumachimwe nge ngachize, kaha mwalanjishile utwatwa wenu wakupwa vaka America na Vakakulishitu, kuhana kuli lihule uze atuhangile etu muli lino lifuchi, lyatulingisa etu kupwa omu twapwa. Talenu omu napu nakutanjilamo? Chachashi vene, palanga jino ikiye kupwa ha litanda. Punduvane! Lize litanda lya White House.

<sup>69</sup> Tala! Lyehi...Enu mwamonanga likumbi likwavo ha mashikola a Katolika na mashikola ava Kakulikanga? Kukafwa mashikola a Katolika oloze keshi Vakakulikangango. Talenu? Mamalelo, Ndumbu walunga! Ove tala ha likimba eli lili nakwiza jino. Talisenu, kaha nge vakiko kulinga echi, tala chumamuka chasolokele. Echi chosena kupwa shili kulunjikamo. Kuya kuchihela chimwe na lifuchi limwe muze mumuyachi wakutalyangila.

<sup>70</sup> Myaka yayindende kunyima okwo, omwo vakiko vapwile. . . va Chipendekosita chatete kuhokoka, chalwilile lifuchi mummyaka yayindende kunyima okwo omwo Al Smith apwilenga nakuya nakulaha. America kutachikiza kanawa jino. Oloze Pendekosita kupwa na chikaye nakutwalilaho kaha kulanjisa malisesa nge Vakakulishitu, na milingu, kaha milingu yacho kulutwe lwa Mbimbiliya. Mamaah, yami!

<sup>71</sup> Jino, munyutu kaha, kaha tala omu chejile nakulovoka. Jino, etu kuwana chuma vakiko valingile na vyuma vakiko valingile, etu kumona chize mwakulimbalaka hano vene, shili kwosena. Yezevele kwingilamo, ikiye kulova vathu vosena. Kaha kutalisa, makumishilo, ikiye kuputuka kutunga mazuvo amanene akukombela Mbale. Echi chakwoloka? Kaha tupilishitu twa mbale kwiza kufuma kwosena nakwingila muchihela kana, kaha kuputuka kupihisa mafuchi na kulifukula cha Mbale.

<sup>72</sup> Tala omu vakiko valingile, tala omu vakiko vavatumbilemo. Vyuma kaha vakiko valingile, tala okwo vali lelo. Tala ha Chikatolika kuchimina, kuchimina, kuchimina; kuchisombwesamo, kuhokola echi, kupwa kaha chumamuka Ndanyele ahanjikile kuli vakiko kulinga. Fwelu na ndambo kavyeshi kulifutulako, oloze kufutula jimbuto javo muli yimwe nayikwavo, kuhokoka. Kala kanyike wapwevo Mukakulikanga kumbata kanyike walunga wa Katolika nakusema nenyi vana chika Katolika. Vyosena nge ngachize, kusomboka, nakulifutujola, nge ngachize palanga kuheta na hachihela United States yosena kupwa yakwenyeka.

<sup>73</sup> Chumamuka etu natuya nakulinga nge mamishonali, kuya kuze nakukasununa mu South America na cheka chihanda cha kaye, Tommy Osborn na vakiko, kweseka kumbata vathu kuvafumisa mukuhona kutachikiza kalunga kaha

vakiko vanahase kwinyika minwe yavo hanyima nge etu twasakwile twamina yetu, kaha chuma chochimwe. Ove Kalunga. Chumamuka—chumamuka nachiya nakusoloka kukaye? Echi chatela kulinyikisa kala muthu muno. Natukaya ngachilihi nakukumbulula? Nyi kamishonali mwakaya ngachilihi nakuhanjika omu vakiko navahanjika, “Ove twaya hano nakukasununa etu kufuma muli echi, kaha vathu jove kuhaka chuma chochimwe mu ufwishi yove kuze, ha litanda?” Natuya ngachilihi ku... Ika...

<sup>74</sup> Tala kunyima mumapapilo a mijimbu yamwaka, kinduluka kunyima kaha talenu kachi—kachi chili punduvene, vosena, kacheshi mujishimbi hakupwa ngocho. Vakiko kavahashile kulinga echi mummyaka okwo oloze, talenu, etu twapwile vakulanjisa malusesa ava Vakakulishitu kumilingu, kaha chize omu mukiko apwa liyavolo kulivinda lyavene. Ahave apwile keshi chumako oloze shina mutwe hali Yezevele. Chize chinapu mukiko mwaya, kupwa mutwe. Ikiye keshi nakulinga halilyavene, oloze zachiso kunyima ya ikiye kuya nakwendesa ikiye kuli echi. Mukikovene! Mbotolo chivezu chove, ove Mukakulishitu. Tona ove lyavene, echi chinapu kuhambakana ove kushinganyeka. Seteko eyi etu tulimo, seteko ize vakiko vapwilemo, kaha omu vakiko kwecha vakiko kupwa vakukasunuka.

<sup>75</sup> Omu muchima wazangi wa Kalunga kupwa nakutete, kaha kulila, nge Ikiye kumona vathu vakamishinali Jenyi. Chavalingishile kupwa chakutalilaho, mafuchi osena kwiza kwosena mwomwo Kalunga avakiswile, kumona vakiko kulinunga, mushipilitu, kuzachila Kalunga. Kaha jino kushinganyeka nge Ikiye—Ikiye kufwila kumona vakiko kwiza nakukinduluka kuzangi yatete na kulinga chumachize chapwile chakwoloka, oloze kutwalilaho vakiko kuya nakufumako, kaha kufumako, na kufumako, palanga makumishilo Yezevele ejile nakwingila. Echi chikiko etu tunalingi. Kufuma kujishimbi ja Kulishitu. Omwo Kalunga atumine vakakuzata Jenyi kusali ya lifuchi, vakiko vanangwile kujila (Pilgrim Holiness, Nazalene, Pendekosita), “Kinduluka kuli Kalunga! Kinduluka kuli Kalunga!”

<sup>76</sup> Kaha chize chamwaka kwiza nakuzamisa mauka nakuvaseha nakusekeleka. Vavavulu muli vakiko kupwa vakakufwelela vakutona, mwomwoika, vakiko vapaishile vyumavimwe vize vakiko malunga valingile kaha kuhanjika “Chize chapwile cha liyavolo.” Chumamuka chalingiwile? Kaha liuka kuputuka kwivwuulila kuli chize, vavavulu kuputuka kwivwuulila. Chuma chatete munatachikiza, “Kachi pwevo wa Katolika vanahase kuvwala vyuma kana, Vakakulikanga vanahase nawa. Kachi liuka lya Katolika vanahase kulinga *echi*, Vakakulikanga vanahase nawa. Kahajino kachi va Mesondisiti vanahase, ngachilihi hali va Mbaputishiti? Kahajino kachi va

Mbaputishiti vanahase, ngachilihi hali va Pendekosita?"

<sup>77</sup> Talenu, chize chikiko zachiso ya kutunga kuli vathu kuneha nakwingisamo. Haleluya! Ou ukiko muchano. Ou ukiko mulonga Nguli wakufumbukila echi, mwomwo Lizu lya Kalunga linafumbukila echi. Jizachiso jakutunga kuli vathu: Kalunga kufumbukila chize, Lizu Lyenyi kufumbukila echi, tupolofweto Jenyi kuya nakufumbukila echi, Vangamba jenyi vamuchano kuya nakufumbukila echi, vyosena vize kupwa wakusemuka kuli Shipilitu ya Kalunga kuyabnakufumbukila chize.

<sup>78</sup> Tala omu Isalele kupwa na chize, omu vakiko vafungumukile na vyamokomoko, palanga makumishilo Yezevele kwiza. Tala omu America achiwanyine, kaha kufungumuka na vyamokomoko vya kaye, palanga makumishilo Yezevele kutambula litanda. Echi chakwoloka. Jino, Yezevele kapwilenga ha litanda lya Ejipitu . . . mokomoko, litanda lya Isalele, oloze ikiye apwilenga mutwe wenyi kunyima ya litanda. Kaha kulema cha Katolika kacheshi ha litanda lya United States, oloze ikiye nazachiso kunyima mwomwo ikiye amumbachile ikiye. Kaha ize Mbimbiliya ngwayo, muli lino lifuchi, vakiko kupwa na "*chifwanyisa* chakufwana nge chisuma."

<sup>79</sup> Mamalelo, ndumbu walunga, ndumbu wapwevo, ukalu uli halihi? Chamwaza, Ngwa—Ngunatachikiza chuma muka echi. Eyi Mbimbiliya ngwayo vakiko navakapwa muchisemunuino cha Lauchiseya, kaha kuze kukiko etu tuli. Enu munahase kungujinda jino, oloze likumbi limwe enu kamwawanyine omwo enu namuwana Muchano. Ove unahase kukana na kupwa na kulovoka muzuvo, chize kusolwesa kuhona kutachikiza chove. Oloze likumbi limwe enu namuya nakutachikiza, likumbi limwe enu namukashimbula na kutachikiza nge unapu Muchano! Nanguhanjika Echi mu Lijina lya Mwata! Haka amilyavene kupwa hapopo, ize yinapu makumishilo kuya nakungushinjika kuya kuchimbumbi. Nguli nakuya nakupwa chinjiho palanga Nangufwa, kachi Kalunga mwaya nakungukafwa. Echi chakwoloka.

<sup>80</sup> Hano etu tuli muli eyi seteko etu tuli lelo, vyosena vili nakuya nge ngachize. Mu Isalele, omu Ahave kulinga, chifwanyisa cha mutwe cha Yezevele mwomwo ikiye apwile- . . . ikiye apwile wakusomboka na ikiye. America, twamina yetu, nyi ngachilihi. . . Munatachikiza twamina yetu apwile muthu wakupita? Vangahi vatachikiza echi? Mukajimiliyoni. Muthumwe kungulweka, mumangajinyi mokomoko chisanji mokomoko chisanji cha mivwimbimbi mokomoko chumachimwe, Jack Benny mokomoko muthuumwe kutunga na . . . Ernie Ford, Ngwafwelela echi chapwilenga. Muthumwe ambile nge "Ise yenyi amukafwile ikiye atambukile vyuma vivila vize ikiye ahonene kuheta." Kupwa kaha kupwa na vosena kuli echi. Omu ikiye alingile echi? Nyi mali ejile ngachilihi? Chipwe kukakwata wala, na mawala.

Ou ukiko mulonga ikiye aholwele ize mitelo ya wala na vyakufwana ngachize. Muze mukiko chamulingishile ikiye kupwa wakupita. Chize chuma chivene chize chaholesele lifuchi, chikiko chumachivene chahonesele vishinganyeka vya vathu, chize chuma chize vatumine vanyike jetu vamaalunga kupwa vakupende, kaha vanyike vamaapwevo kupwa mahule, mali amulingishile ikiye kupwa pichi.

<sup>81</sup> Chize chuma chochimwe, chize zachiso ya Yezevele wa mwaka, chumachimwe chize chayanjishile vathu jetu, chumachimwe chize chavakokele nakuvalovola (mu Chiloma) kaha kuvocha na kuvakoka nakuvahandununa kulinga vyumavimwe kuli vakiko, aze manyinga oamwe a vinjiho (eyi Mbimbiliya ngwayo) ali muli ikiye! Kuze vakiko vapwa, kusombokela hamwe. Kaha etu vaka America kutalyangila hazevene, “Mamalelo, chamwaza, etu tukwechi ndola yeka kaha etu tuli nakupwa nalwola lwamwaza. Chamwaza kuhambakana mafuchi osena.” Oloze, ndumbu walunga, ove vandamina munyutu kaha.

<sup>82</sup> Echa tumbatenu halutwe na halutwe jino, mwomwo ya minyutu yayindende, talenu chumamuka chasolokele.

<sup>83</sup> Vaze vakakunangula kupwa muzebene, kulimbukila hamwe na vakiko, kuya hazevene na vakiko, zachiso yosena. Kaha zachiso ya Isalele yosena kuya hamwe na Yezevele. Vakiko vapwile na chifwanyisa, eyo. Kaha kumana Mbimbiliya kayalweka nge mumakumbi akumakumishilo etu natuya nakupwa “kufwana chakumukomoka kalunga”? Maupolofweto osena osena akuzalishiwa, ndumbu walunga, etu tuli kumakumishilo! Lifuchi kupwa nge, etu tuli kumakumishilo! Mushipilitu, etu tuli kumakumishilo! Kala zachiso ili kumakumishilo! Chuma chakushisaho chili nakwiza cha Mwata na kumbata cha Liuka.

<sup>84</sup> Kalunga atumine kala chinjikizo, kulikomokela, kulinga vyuma vyosena Ikiye ahashile kulinga, kweseka kufunda vathu, kaha lwola lwosena vakiko vatambukile nakuya nakwingila. Tala hali ino mbaka. Tala hali lino lifuchi hano, na teni handulendi na handulendi ya vathu va Pendekosita; kaha mwomwo ya kwimana ha Muchano, kuze vakiko vali na musana uno? Mwomwo muthuumwe avalwekele vakiko kulinunga na kuliwana. Enu vakakuhutwa, likasununenu... Kalunga atuvwile keke, kupwa chumachimwe nge Ngunahase kuhanjika. Omu enu Vakakulishitu kupwa nakuhina nyima kuhambakana chize, ove ukwechi nyima yayivwovwu keshi nyima iveneko. Chakwoloka! Chuma etu tunatondo shina “kunangula Mujimbu wamwaza na mazo muli chize,” chize nachiya nakuvatula chuma muvhanda vihanda. Ayile nge vosena, jino enu namulikomokela mwomwoika etu tweji kutambakananga hali chize. Jino, ove wamono, ove ukwechi “chifwnji chituta.” Ngunachishinganyeka echi, Ngwatela kupwa.

<sup>85</sup> Vyosena vyayile muli va Isalele. Makumishilo, likumbi limwe, kwiza nakwimana nakufuma mupambo, kwiza na kusoloka mukweze waungona, Elija wa ku Chishivi. Ikiye kanda lyehi ezenga nakulovoka mukala mazavu, ikiye alovekele kufuma mupambo! Ikiye kapwile nachuma chimweko na vakiko. Ikiye apwilenga kapolofweto ka Mwata. Ndumbu walunga, ikiye kunyikisa uze wangana wa Yezevele ha vyuma vyosena vize vyapwilenga muli chize. Vakiko vamuinjile ikiye. Ikiye kapwile na kuzachila hamweko, Nanguya nakukutapula. Eyi Mbimbiliya ngwayo keshi ngochoko. Punduvene. Ikiye avalingishile vakiko kulikwita ulombo kumeso kupwa va Yezevele “kuwema,” Ngunashinganyeka. Ikiye ahakile ngimbu kumwiji wa mutondo nge Yowano omu alingile, vipalapala kuholoka kwosena kuze vatondele, oloze ikiye kupwa na ikiye kuze. Ikiye kulinyika na lifuchi lize vakiko vapwile vakuhenga, kaha kweseka kuvuluka vakiko kupwa Kalunga wamuchano wakuyoya, kaha kukinduluka ku Lizu Lyenyi kachi Yezevele kulifukula.

<sup>86</sup> Chuma muka vakiko valingile? Vakiko vambutambwile? Vakiko vamuinjile ikiye! Oloze Lizu lyenyi lyaile mwomwome, mwomwo ikiye apwilenga MUKIKO MWANAMBE MWATA! Kalunga azachile na ikiye, kaha amulwekele nge apwile kapolofweto wakuwawisa ha vyuma vize ikiye ahanjikile kwiza nakuhita. Kaha vyosena vize ikiye enjikijile nge ikiye apwilenga kapolofweto ka Kalunga. Oloze vakiko kavahashile kufwelela Echiko, mwomwo ikiye kupula jizuvo javo jakuhemena. Ikiye avalwekele vakiko nge vakiko vapwile vakuhenga. Ahave apwile mukakutapula. Muchano! Kaha munatalisa vakiko kahashile kumufwelela ikiyeko, oloze ikiye anangwile Echi mwomwome. Kwauchi hali vakakunangula etavile na ikiye, ikiye ambile ngwenyi, “Yami umwe kaha ngunaseze, Mwata. Tala hali vakiko, vakiko kaveshi numba...umwe, naumwe pimbi mwakaya nakulinunga.” Oloze ikiye apwile na kutuma kulinga kaha ikiye achilingile. Ikiye apwilenga na Lizu lya Mwata, MUKIKO MWANAMBE MWATA! Kaha ikiye atulukile lifuchi, ikiye atulukile liuka, ikiye atulukile vyuma vyosena kuze kwapwilenga, kaha Kalunga apwilenga na ikiye!

<sup>87</sup> Etu vatushikile, mumakumbi akumakumishilo, nge ikiye mwakaya nakukinduluka kulifuchi lino. Ngunatachikiza, Yesu, omwo...Matewu 17, omwo vakiko vamuhulile Ikiye, “Mwomwoika vakakusoneka ngwavo, ‘Elija...?’”

<sup>88</sup> Tala chumamuka Ikiye ahanjikile, “Elija mwamuchano atela kwiza,” kuhita, ku-...kupwa nge lelo. Oloze jino Ikiye ahanyine Yowano kupwa chitalilo. Yowano kapwile Malaki 4 ko. Yowano apwilenga Malaki 3, “Tala, Nangukatuma muluwa shimbu kulutwe Lwami, kuwahisa jila.”

<sup>89</sup> Malaki 4, Ikiye ngwenyi, “Shimbu kanda lize likumbi lyalinene lya kwenyeka cha Mwata lizenga, omwo mavu osena

nawakaya nakuwemesa nge lizavu; shimbu kanda lize likumbi, Nanguya nakutuma Elija.”

<sup>90</sup> Kaha kapwile Yowano ko, mwomwo Mwata kanda ochenga mavu omu Yesu mwakeza. Kaha kachi enu namutalisa kanawa, kaha mu kapetulu wamakumishilo, mu vasi yamakumishilo, Ikiye ambile ngwenyi, “Kaha ikiye. . .” (tala: *ikiye* kuhanjika) “. . . navakalumuna michima ya masevo kuli vana, kaha michima ya vana kuli masevo.”

<sup>91</sup> Jino tala! Uze Yowano watete ejile, Elija watete, chuma muka ikiye alingile? Ikiye ejile na kuneha Mujimbu na kwalumuna vamwaka vakukakama michima kutwala kulufwelelo lwa liuka lyaukweze, vana. Oloze omwo Elija wakushisaho ejile, mulwola lwamakumishilo, ikiye atela kukinduluka na kumbata—na michima ya masevo. . . vana’ michima, chipwe, kaha kwalumuna vakiko kutwala ku Lufwelelo lwa masetu pendkosita. Talenu chihandwa? Ikiye mwaya nakupwa umwe hano hali vaze *vavuluka* etu kupwa lelo, ikiye kuyab nakukinduluka ku Vilinga 2 kaha kuputuka hazevene. Ikiye mwaya nakunangula Mujimbu wamwaza wakuzeneka ujila, kuhanjika kaha vyuma vyovimwe vize Petulu alingile ha Likumbi lya Pendekosita, mwomwo chuma ikiye ahanjikile ha Pendekosita chenjikijile Visoneka vyosena. Ikiye keshi kuchongonoka hamwe na vikungulwilo vimweko, omu Elija ejile. Ikiye mwaya nakujinda mapwevo nge omu alingile Elija, chochimwe nge. . . mokomoko mapwevo vavapi, chochimwe nge omu alingile Yowano. Ikiye mwaya nakupwa wakuzanga chipapa nge omu vapwile vakwavo. Ikiye keshi kasela lihanyako. Etu tuli nakutala hali ikiye kwiza. Ikiye mwaya nakwiza! Kalunga ngwenyi ikiye mwaya, kaha ikiye mwakaya nakupwa hano!

<sup>92</sup> Ngwafwelela, kachi kalachuma, ou Mujimbu uze etu tukwechi lelo kuya kulutwe lwa kwiza cha kwiza cha ikiye. Eyo, mwane! Ikiye ali mujila, nasemuka lyehi. Nge Elija omu apwile, kaha kulovoka kufuma mupambo, kumwe ikiye mwaya nakumulingisa kupwa wakutachikijiwa. Ikiye mwaya nakunangula Vilinga 2. Ikiye mwaya nakuneha Lufwelelo lwa Chipendekosita lwa kukindulwisa visemi ku. . . luze lufwelelo lwa vana va Pendekosita, kukinduluka ku Lufwelelo lwa masevo va Chipendekosita. Ikiye mwaya vene, kunyima ku Vilinga 2, Vilinga 2:38, vyosena nakuhita. Ikiye mwaya nakuneha wamwenemwene, Mujimbu wamwaza wakuzeneka ujila. Ikiye keshi kupwa nachuma chimweko na Yezevele na jijila jenyi. Ikiye mwaya nakupwa ngamba ya Kalunga. Punduvane nachiya! Eyi Mbimbiliya ngwayo ikiye mwakeza. Ikiye mwakaya nakupolofweta na kulovola Mujimbu kumeso ava Yezevele, chochimwe vene nge Elija alingile mukuputuka kuli Isalele. Vakiko navakaya nakumujinda! Vakiko kaveshi kuhasa kulinunga na ikiyeko. Nduma, nduma. Ikiye mwakeza!

Kalunga ashikile echi, kaha ikiye mwakaya nakusanguka nakusoloka. Ikiye mwaya—ikiye mwaya nakunangula ku Liuka lya Kusakula nge muze Vahanjika ikiye mwaya nakulinga, kunyikisa vaze Vakusakula, kunyikisa nakufumisa chisemwa mulikiko, aka—aka kaye na vimwe, kuvinyikisa nakuvifumisa, kuviteleka nakuvifumisamo, kumbata Liuka kupwa hamwe, ava vathu.

<sup>93</sup> Ngunatachikiza enu ngwenu, “Chize chikiko chikungulwilo chami.” Ndumbu walunga, ove unahenge! Yowano ejile nge zachiso ya muthu umwe kuneha Muthu Umwe: Yesu Kulishitu. Kaha Elija keshi kupwa muzachisoko, mwaya nakupwa muthu, Yesu ahanjika ngocho. Mwaya nakupwa umwe uze wakuwavisa na Shipilitu Wajila. Kaha ikiye keshi kuhasa kusolola kala tulunga vatatu mokomoko vawanako, ikiye mwakaya nakusolola Umwe: Mwata Yesu Kulishitu, mwomwo Mujimbu wenyi nauya nakunyikisa vana va Chipendekosita kukinduluka ku Lufwelelo lwa masevo cheka.

<sup>94</sup> Ove anuka, ndumbu walunga, kachi Nanguhanjika vyuma kana kupwa vyakujindama, Ngwaondo kupwa hakamenga. Nguli nakumilweka, “MUKIKO MWANAMBE MWATA!” Kachi Kalunga kachinjikijileko Ngunamilweke ou kupwa Muchano, uli mukachi ka lifuchi, kujinguluka kaye, jino ngulweke yami kuluwisa muka chapwile. Nguli nakumilweka Muchano! Kinduluka kuli Kalunga, washi! Fuma muli eyi zachiso, mwomwo Mbimbiliya ngwayo mu Mukanda wa Kusoloka, nge kulema cha Katolika ya Muloma omu chapwile “mukaujila wapwevo,” kaha ikiye apwilenga “naye ya mahule.” Chuma muka echi? Mauka, jiachiso.

<sup>95</sup> Kaha nyi liuka lya Mesondisiti lili kulihi, nyi liuka lya Luteleni lili kulihi, lyafuma kulihi? Nyi va Mesondisiti valikulihi, Mbaputishiti, nyi evi vikungulwilo vyafuma kulihi? Kalunga kanda atunge liuka lya chikungulwilo. Liuka lya Katolika ngwalyo vakiko vaputukile kunyima kuze, “Yesu kuputuka liuka lya chikungulwilo.” Ngwatondo—Ngwatondo lipapilo mumijimbu yamwaka, mokomoko lipapilo mu Mbimbiliya. Kuze kanda lyehi kupwenga chikungulwilo cha myaka seli handulendi na myaka sikisi hanyima ya kufwa cha kapositolo wamakumishilo, kahajino vakiko vatungile Kasulu ya Nicene na kutunga chikungulwilo. Kaha omwo Luther ejile nakulovoka. . . ikiye apwilenga muthu wamunene wa Kalunga, oloze hazevene ikiye ayile, lize lizavu lyavathu vayile nakutunga chikungulwilo chikwavo. Kahajino Shipilitu Wajila alovokele nakuya hali John Wesley, ikiye kalivwasanyine kalachuma, oloze hanyima ikiye ayile jino vakiko valivwasanyine. Kahajino Shipilitu Wajila ejile nakwingila na va Pendekosita, kaha vakiko vayile kufuma ku Mesondisiti. Kaha chasolokele ngachilihi? Kahajino *vakiko* valivwasanyine.

<sup>96</sup> Oloze kuze kaweshi nakupwa na zachiso ya muthumwe

kwiza na vyangocho na ngolo na kuwavisa cha Elija, kuzalisa upolofweto. Haleluya! Ikiye mwaya nakulinyikisa. Kaha, anuka, ikiye apolofwetele kuli vakiko, na kupolofweta, kaha kuvalweka vyuma vyosena, kaha Kalunga azachile na ikiye. Oloze Mujimbu wenyi wamakumishilo wapwile wakutuluka ha White House. Huu-hu. Omwo Yowano ejile, Mujimbu wenyi wamakumishilo vautulukile ha White House ya lize likumbi. Eliya Mujimbu wamakumishilo, omwo ikiye atambukile nakushikumuka mujila chimene chize hanyima yakupwa Kumeso a Kalunga kuze, kutambuka nashikumuka muze mujila na jikambu vyosena hali ikiye, mutwe walaja kuvwakuma, wevwu kupekumuka, vakiko vavandende, meso amwaka apwile nakuvwakuma na upahu wa Kalunga. Na mukombo mulivoko lyenyi, na mahinji akujikiza nge omu vakiko ahashile kupwa. Chuma muka ikiye alinakulinga? Kutambuka nakushikumuka kufuma ku Samaliya kumeso a White House, kaha kuhanjika, “MUKIKO MWANAMBE MWATA!” Kevwile woma wachumachimweko. Mauka amukanyine, vaze vathu vamukanyine, shikaho jino ikiye ali nakuhana kutuluka chenye chamakumishilo, ha White House.

<sup>97</sup> Kahajino chasolokele ngachilihi hanyima ya chize? Ivwulilenu! Hanyima ya kutuluka, lizu lyenyi lyejile nakuholo, naumwe pimbi amwivwile chekako. Kalunga amusanyikile ikiye kufuma haze, ngwenyi, “Elija, ove unalingi Mujimbu wove kutachikiza kuli va Isalele vosena, vakiko vanatachikiza Echi. Jino twaya kuno mupambo, fuma muli vakiko, lihandunune ove lyavene mwomwo Nguli nakuya nakulinga chumachimwe. Nguli nakuya nakusolwesa vakiko chumamuka chili nakuya nakwalumuna Mujimbu Wami hamavu.” Chumamuka nachingila? Jita, zala yakalombolombo, zala.

<sup>98</sup> MUKIKO MWANAMBE SHIPILITU WAJILA, “Tala chuma muka chili nakwiza! Tala chuma muka nachiya nakukavangizaho! Kuze kwapwilenga zala yakalombolombo, kuze *nakuya nakupwa* zala yakalombolombo!” Mamalelo, pamo keshi ya mboloko, oloze yakwivwa Lizu lya Klaunga na Muchano Wenyi. Mauka osena nawakaya nakulivwasana nakuya lika nge omu apwa, kupwa kaha nge vakiko vanawaminyi.

<sup>99</sup> Chumamuka Elija alingile? Ikiye wanyine kapila wakuweka, muze mujipili kuze ikiye awanyine Meya a Kuyoya, Kusoloka cha ukalunga kufuma kuli Kalunga nge omu ikiye atwamine mwishi ya ngolo ja Kalunga. Chize kusoloka kupwakapila wakuweka, shimbu vosena muli vakiko vapwilenga nakufwa na zala yakalombolombo. Kaha Kalunga kukisula vangamba Jenyi (vaze makololo), vakiko vamunehelile chumachimwe chakulya shimbu ikiye vamuhandunuine kufuma kulki vathu. Kaha vakiko vapwile nakufwa na zala yakalombolombo ha kuhizumuka nakutwalilaho. [Hatepu hapimbi—Muka.] “Kanda kwivwa chekako makuhizumuka. . . Kuze uze wamwaka kuya nakujinguluka kutotoka vikungulwilo



vyetu? Ali kulihi jino?” Vakiko kavatachikijileko. Ikiye akokele lyavene na Kalunga, kulovoka muchihela muze vakiko vahonene kwivwa lizu lyenyi. Kahajino vakiko vaputukile kumona.

<sup>100</sup> Omwo Kalunga mwatuma Mujumbu na kulweka vathu, kaha vakiko kavatambula Echiko, kahajino Ikiye na ngamba Yenji na kutuma misongo Yenji: zala yakalombolombo, kufwa (kuhanjika mushipilitu, nge kumujimba). Ove tala kushikumwisa, ndumbu walunga. Ove kushinganyeka ove unamono chumachimwe, ove kupwa kaha nakuvandamina hanyima chindende. Ove kawamwene chumako. Ove unashinganyeka nge ove uli nakufwa kuhizumuka cha mushipilitu chamwaza, ove vandamina palanga hanyima yachize chindende. Enu vandaminenu kaha, na kulila na kwivwa eli Lizu lya Kalunga. Eyi Mbimbiliya yahanjika ngocho! “Kuze kulinakuya nakupwa na zala yakalombolombo mumakumbi akumakumishilo,” mukiko ahanjikile kapolofweto, “kaha keshi ha mbolo na meya ukawenyiko, oloze ha kwivwulila eli Lizu lya muchano lya Kalunga.” Oloze lize lizu naliya nakupwa wakuhola, muze mupambo kumwe, kuswama.

<sup>101</sup> Ikiye atongwele makololo, vangamba Jenji. Kisula tujila, Vangamba jenji, vaze valamine lizu lya—lya Elija kupwa lyalitonji mulwola kana lwa—lwa kuswamana kufuma muliuka. Vaze makololo vamunehelene nyama na mbolo nachimene kaha nyama na mbolo hachingoloshi, kaha ikiye kunwa kufuma ku kaselwoke wamundende shimbu vosena kuze vapwile nakulinga chakuzeneka kulya cha mushipilitu na meya.

<sup>102</sup> Jino likumbi limwe, hanyima ya shili kumbata chakuhemesa, kaha Kalunga anehelene vathu Jenji hamambuli...Yezevele ambachile vyuma vyosena, ikiye avafumishileko, kaha ikiye mwaya nakuchilinga cheka! Omu mukiko MWANAMBE KALUNGA MBIMBILIYA YA KUJILA, “Ikiye mwaya nakuchilinga cheka.” Ikiye hazevene ha litanda jino, kunyima ya chifwanyisa cha mutwe; kuchongonona mukala jila atondele, naumwe pimbi mwaya nakumwimika. Punduvene, naumwe pimbi mwakaya nakumwimika jino, mwomwo chuma vakiko navahona kwingila mulivungu lya kulifukula vakiko kuvatula echi—kuvatula echi vosena kwingila mumilingu, kaha vakiko kulinga echi. Hu-huu, chize mukiko kaha chuma vakiko valingile. Kupwa, ize milingu kuya nakupwa kulikanga vene kunyima ya lusona lwa chisuma, nge omu Ngunemana hano, talenu, nge omu Mbimbiliya yahanjika.

<sup>103</sup> Ngunatachikiza etu tuli nakuya nakutoka, Nanguya nakuzangula. Ngwatela kumbata eli lizu lya makumishilo, kachi Mwata mwaya echa yami.

<sup>104</sup> Tala! Elija atwamine kuze palanga nomu Kalunga amutambukilile. Ikiye kapwile na kuhizumukako. Ikiye anangwile keshi chumako. Ikiye emanyine kuze na Kalunga

ukawenyi, muze mupambo, mwomwo ikiye apwilenga muthu wa muchipapa. Ikiye vamusangwile muze mupambo. Shikaho apwilenga Yowano asangukile mupambo.

<sup>105</sup> Ikiye ayile mupambo ukawenyi na Kalunga, kufuma muliuka hanyima ikiye ahanyine Mujimbu wenyi. Kaha lize liuka Kulikana, Kulikana. Kaha makumishilo vikungulwilo kavyahashile kulinga chumako, shikaho ikiye kupwa kaha kulovoka. Kalunga kumusanyika hachuma kana, amumbachile ikiye kulovoka muze mupambo, ngwenyi, “Twaya kuno, vakiko kaveshi kwivwilila chekako. Twaya kuno, kahajino Nguli nakuya kumbila kusopesa Chami hali vakiko.” Mamalelo, eyo, ikiye mwakaya nakupwa hano likumbi limwe hamakumbi awa, enu talenu.

<sup>106</sup> Kahajino, hanyima ya makumbi a upolofweto wenyi, chasolokele ngachilihi? Lize liuka kuyanda, ukalu waunene wa Yezevele, ikiye kuvambata vosena mulilyavene, kuvayanjisa vosena. Kuvambata nakuvahaka muli lyavene, kaha kutunga tupila na vyuma vimwe.

<sup>107</sup> Oloze, likumbi limwe, Kalunga amusanyikile cheka! Hano ikiye alovokele. Ivwulilenu kanawa jino, kaha kanda kupwa na kupihilila na yami. Nguli nakuhanjika, “MUKIKO MWANAMBE MWATA!” Omwo ikiye alovokele, chuma muka Kalunga alingile? Ikiye amutumine kuli pwevo wa tuliwe. Ikiye omu apwile na—na muthu wangolo helu lya mutwe wenyi, oloze chambachile kufwa kumukasununa shikaho ikiye ahashile kufwelela Lizu lya kapolofweto. Ove unatalisa chize? Ikiye apwile na lunga uze amutetekelele muli eyi jila na ize jila, muli jishikola jimwe kuze. Oloze mulwola lwa changa chachinene, ikiye apwile vamuhanjikile, kufwa kumumbata. Ikiye apwile cheka wakukwachiwa muka chikungulwilo, shikaho ikiye apwile vene wakulizanga jino kwivwa lize Lizu lya Mwata. Pwevo, kulumbununa Liuka; tuliwe, uze tuliwe, uze lunga lyenyi (chikungulwilo) chapwile chakufwa, kaha ikiye apwile keshi wakushinganyeka nge ikiye ali wakuyoyako. Kaha Kalunga ambile ngwenyi, “Yako kuli ikiye jino, ikiye mwaya nakwivwa ove, Ngunamulweke ikiye.”

<sup>108</sup> Mamalelo, etu kushinganyeka lwolalumwe, ove lizavu lyalindende lize linapu lyakushishika kaha kulinga vyumavimwe ove unahase kupwa na kuliwana, kweseka kusolola kuli vathu nge muchima wove wakwoloka kaha ove unatondo vakiko kupwa vakwoloka, enu munashinganyeka enu muli na lwola lwakukola. Oloze, anuka, Kalunga akwechi liso Lyenyi hali enu! Ove wamuzanga Ikiye, Ngunatachikiza ove wamuzanga Ikiye, ove kaweshi kuhasa kupwa hano, ove kaweshi kupwa kukala chumakana. Kalunga akwechi liso Lyenyi hali ove. Eyo!

<sup>109</sup> Kaha omwo ikiye alingile, lunga lyenyi afwile,

chikungulwilo chenyi afwile, shikaho jino ikiye ali wakulizanga kwivwa Lizu lya kapolofweto. Shikaho omwo kapolofweto ejile kuchikolo kaha amuhulile ikiye ha—ha meya amandende, ikiye ayile nakumbata chize. Kahajino ikiye ngwenyi, “Ngunehele yami kachihanda kakulya.”

<sup>110</sup> Kaha ikiye alumukile na kuhanjika ngwenyi, “Nge omu Mwata ayoya, Kangweshi nachuma chimweko shina chakutamo.”

<sup>111</sup> Jino, chize chasolokele nge ikiye apwile waktuma nakumbata chuma chachindende ikiye apwilenganacho, oloze chapwile mujila yeka. Omu ikiye apwile nakufwila kuhana chuma ikiye apwile nakukafwa cha Lizu, kalunga kumulisa ikiye. Kaha kachi ove uli nakufwila kuhana chumamuka Shipilitu ove unalingi, chumamuka Shipilitu ize kalunga apwile nakukuhana na kukafwa cha eli Lizu, kahajino Kalunga mwaya nakukulama wakuyoya. Haleluya! Mamalelo, upahu kuli Kalunga! Munamono echi, liuka? Kanda kushinganyeka Nguli ukawamiko, Kangweshi ngochoko. Oloze chumamuka ove ukwechi, chuma chachindende ove mulinga kufwelela muli Kalunga, lufwelelo muka ove ukwechi, chihela echi ha Lizu, keshi ha chikungulwilo ko! Kuhaka echi mu Lizu lya Kalunga, Ikiye mwaya nakukulama wamutonyi.

<sup>112</sup> Ikiye apwile wakulizanga jino, mwomwo ikiye kahashileko shimbu kanda, mwomwo vakiko kavamwecheleko. Oloze jino ikiye ali wakulizanga. Mwaya nakumutambula? Kalunga atumine kapolofweto mujila yenyi. Mwaya nakutambula Lizu lyenyi? Mwaya ikiye nakutambula uze kapolofweto? Eyo, ikiye mukiko alingile. Kaha ikiye amulwekele ikiye, ambile ngwenyi, “Jino, chiyoyelo chachindende ove ukwechi, chihake echi hano, chinehe kuli yami chatete.” Kaha chumamuka chasolokele? Omu vosena vamukaye kuyajiwisa na kufwa nazala, vana yenyi na vakuzuvo yenyi vosena kulya katatu halikumbi, Kusoloka cha ukalunga ha Lizu. Ngwafwelela enu mwamono echi, masepa.

<sup>113</sup> Chumamuka chatwalileho? Ikiye atwamine kuze palanga zala yakalombolombo kuhita, kuyoya na ou pwevo (eli Liuka) uze amutambwile ikiye na kufwelela Lizu lyenyi. Kaha ikiye atwalileho kupwa wamutonyi (kulama Liuka lyalitonyi) ha Lizu lya Mwata, mwomwo ikiye ngwenyi “MUKIKO MWANAMBE MWATA.”

<sup>114</sup> Jino, etu katweshi nalwola lwakumbata mujimbu wosenako, munatachikiza, omwo ikiye atelele kwiza nakusolwesa hamwe na Mbale. Ikiye mwaya nakuchilinga, likumbi limwe hamakumbi awa, kanda kulizakaminako. Omu ikiye ejile nakututumuka kulovoka kufuma muze mupambo, ove kutala chumamuka chasolokele.

<sup>115</sup> Chuma muka chasolokele? Kahajino omwo chawaha, Elija uze kashinakji, uze kapolofweto, ngamba wamuchano wa

Kalunga, ejile kusongo ya jila yenyi, Kalunga amulwekele ikiye, likumbi limwe, ambile ngwenyi, “Elija, ove unanangula chikuma jino. Ove unazungu na Yezavele kaha ulombo wenyi wosena na vyumavimwe palanga ove kupwa na vyakutamo vya echi.” Ambile ngwenyi, “Twaya ku Yotane!” Kaha hano ikiye ayile, ayile nakushikumuka ku Yotane. Kuze kwapwile kalwiji waulova kwiza nakushikumuka kuze, ututa, wameya amakaza, nge kumeso akala muthu: Yotane, kufwa.

<sup>116</sup> Oloze omwo ou ngamba wamunene wa Kalunga atambukile nakuya ku Yotane, kaha mwa nenyi kutambuka nenyi, Mujimbu wamwaza wa lunga, . . . Mamalelo, eyo, ikiye apwilenga mwana walunga, “Tata yami, tata yami, matemba a Isalele, uze chimbulu.” Omu ikiye na mwanenye kutambuka nakulikwata kumavoko, kushikumuka ku Yotane, ikiye apwile nakutala hali ise yenyi kufumako na chize chimene.

<sup>117</sup> Omu ikiye apwile kuze ku Yotane, ikiye kuheta nakujinguluka kaha kupwa na chikuto cha ngolo kuchifumisa ha vifwiji vyenyi, ambile ngwenyi, “Kufwa, ove kaweshi kuhasa kulinga chuma chimwe kuli yamiko.” Kaha ikiye avetele Yotane, “Fumako, Nguli nakuzauka chimene chino.” Chuma muka chasolokele? Ikiye kutambuka nakukinduluka kunyima kaha kuma nge unga. Nyi kapolofweto wamwaka apwile nakulinga ika? Ikiye apwile nakutala kuzauka Yotane, ikiye atachikijile kuze kwapwile litemba kuvandamina hali ikiye kuze na tuvalu. Ikiye apwile nakuya kwimbo, milimo yenyi yapwilenga kuze. Mwana walunga mu Mujimbu wamwaza wapwilenga nakumbata chihela chenyi.

<sup>118</sup> Ngwapwile nakwiza kwimbo likumbi likwavo kufuma ku Mulauko. Echi chejile muvishinganyeka vyami. Ngwalumukile na chisaji (Ngwatela kwendesa makumbi atatu, twende fwo handulendi milosi, hali yami lyavene). Ngwasokwelele chize chisanji kaha Ngwa . . . kwivwulila vyuma yamushipilitu kuze ku Del Rio, Texas. Kuze kwapwilenga muthu ahanjikile hali uze kashinakaji, wamulutu, uze muthu waka negro. Ikiye apwile wakulizanga kufwa kaha ikiye atelele kwiza kukalwiji, ikiye ambile ngwenyi, “Vakiko vapwile vavwalile vyavelo jaulu, kutambuka mujila jaulu.” Uze kashinalji waka negro atangishile vyosena vya chiyoyelo chenye kaha chumachimwe ikiye ahashile kulinga shina kushinganyeka omu chapwile kuvendejeka, chize ikiye apwile, apwile na ngita yenyi yakukika hambango. Ikiye atwamine hajijeke ja wanda kaha kwimba myaso, kunokela lyavene kufuma kumulimo, na ngita yamwaka. Ize ikiko jila ikiye apwile nayo, mangana anoke. Ikiye ambile ngwenyi uze chimbulu uze ikiye azachishile nakutambukisa mwaya nakushikumuka kuze na litemba. Ngwambwile nakushinganyeka hali vakiko. Ikiye ambile ngwenyi, “Jize ji kwavelo jaulu jize Yami nguli nakuya nakuvwala, kutambuka mujijila jaulu.”

119 Kaha omwo ikiye ayile nakuhita mu kwimba, Ngwalumukile chisaji. Kaha apwile nakuya kuze, kukwata lifumbo. “Mamalelo, echi chakwoloka. Ngwatela kwiza kuze nawa. Kala chuma yami nachinguhana kuvendejeka? Kulihi nanguwana kuvendejeka muze muchipapa?” Ngukwechi kakandende, uta wamwaka uze vavuluka. . . Ngwahangile na nawo mungonde ya mwaka. Uli wa .270, muyachi wa 721, Remington. Lunga, ndumbu walunga, nguhanenu yami, mu California, myaka yakunyima. Ngwahangilenga na echi ha myaka na myaka. Omu. . . kuvendejeka chinapunga, mwomwo Nguna—Ngunatachikiza nge chili chamwaza kwasa uta, kaha echi chinapu kuvendejeka chami muno mu chipapa.

120 Kahajino Ngwashinganyekele ha chimweno chami. Omu Ngwahetele kuze na kumona vathu vosena, Ngwevwile chumachimwe nge kuhwima, kaha haze kwejole wamundende Mwangana (chimbulu wami wamundende) kaha kuhaka mutwe wenyi hali yami ha chifwiji. Ngwashinganyekele, “Eyo, chimene chimwe chino Nguli nakwiza nakushikumuka nawa, ku Yotane.” Kaha uze wamwaka .270 uze Ngwazachishilenga. . . kusukama ha mbango. Kangwazachishile kufuma haze hakuholo chatete. “Uze chimbulu wamundende uze Ngwapwilenga na kuvuwa, Kalunga mwaya nakukwachila kulitemba lyami, ha chimene chize omwo Ngwejile nakushikumuka kukalwiji.” Nachiya nakwimana kusali ya kalwiji kuze. Kalunga mwaya nakumutuma, Ngwamumwene ikiye ufuku ukwavo. Ikiye mwaya nakupwa wakukwachila kulitemba lyami, chimene chimwe chino. Nangukapwa kaha ngunyi, kunyina nakuhita mavwe.

Echa tulombe.

121 Mamalelo, kuli jize ngolo ja Kalunga chize Nguli nakuya nakuwahilila najo nge omu Nangutambuka kuhita mujijila yaulu! Yaa, uze uta wamwaka uze jino wakusukama ha mbango, kaweshi cheka na mulimo hali echi jino. Ngwalikomokela, kachi litemba lyami nalishikumuka, kachi chimbulu chami wamundende uze Ngwamwene muchimweno mwakata kulitemba lyami, chimene chize, kwimana kuze kukalwiji. Ngwafwelela ikiye ali. Ngwatondo kupwa wakukwachiwa. Ngwatondo Liuka kuya nge ngachize nawa, Ngwatondo enu vosena.

122 Unatondo kutachikiza omu ove uli nakwiza nakushikumuka ku Yotane? Enu namuhumbula vilinga vya kumukomoka kalunga vya muno mukaye na kutambula Yesu Kulishitu kupwa Mulwilo wove? Kachi ove kaweshi Mukakulishituko, unahase kuzundula mavoko enu na kuhanjika, “Ngulombeleko, Ndumbu walunga Branham. Omwo Ngwejile ku Yotane, . . .”? Kalunga akukisule. Kalunga akukisule. “Omwo Nangwiza ku Yotane, Ngwatondo kumbata ngolo ja Shipilitu Wajila hali yami na kuveta ha meya atuta, kaha kutambuka nakuzauka.”

<sup>123</sup> Nauya ngachilihi nakutwama mwishi ya kuhanjika, kuwavisa cha Shipilitu Wajila, kaha kutachikiza nge Shipilitu Wajila mwangulweka yami seteko yove, kaha kuhona kuzundula livoko lyove? Echi chinasoloka lunapu lwola lwa ungeji! Kunahase kupwa umwe shimbu kanda etu tulombe, umwe namukwavo? Kuze kuli mavoko avo akuzunduka; seli, Kalunga amikisule, mwana.

<sup>124</sup> Ove Tata wa Mwilu! Vatatu; chize nachiya nakupwa chamwaza, Mwata, kachi vakiko—vakiko vali kaha kuze ha likumbi lize. Ngwalombo nge vakiko navaya, Mwata. Vakiko kuzundula mavoko avo mwomwo vakiko vali wakukunyuka nge evi vilinga vya kaye vili nakufwa, kaha mazu a Lizu lya Kalunga mwaya vene nakupwa chuma chachikalu kuwana, Kalunga mwaya nakufumisa echi kufuma muliuka. Chize kulila, kusanyika cha Samwenga mwaya washi nakuseza kaha zachiso ya Yazevele nayiya nakuvwovuwisa echi. Oloze vakiko vanatondo kupwa na . . . kuyoya hali chize chakusweka nge Elija apwilinga wakulama kuhichila mulwola lwa zala yakalombolombo. Kalunga, avahanyine Shipilitu Wajila jino, zalisa michima yavo na kuwahilila na kuunda, kaha kuhaka vishinganyeka vyavo ha Lizu lya Kalunga nge vakiko vanahase kuyoya jino na hano, hayamyaka. Kisula vakiko, Tata. Vakiko vanapu Vove, kuhichila muli Yesu Kulishitu Mwata wetu.

Na mitwe yetu yakunongama:

<sup>125</sup> Vaze vazundulanga mavoko avo na kutonda kwitavila Kulishitu, unahase kwimana hamahnji ove, katando kakandende, shimbu na Ngulomba ukawami hakapanji hali ove? Katula kaha lihinji lyove.

<sup>126</sup> Ove Kalunga, kutela Ngunahono? navavatatu vanazundula mavoko avo, chakuzeneka kukunyuka kukatula mahinji avo na kwitavila chumakana chize vanalingi. Mwata Yesu, Ngunalingi vyosena mumavoko Ove. Ngunanangula Lizu Lyove, kaha kuhona kulivwasana kala. Jino Ngwa—Nanguseza zuvo kuli vakiko, Tata. Enu lingeni kalamwosena chinatela na vosena liuka kaha ngamba Yove, echi chili mumavoko Ove.

<sup>127</sup> Tata, Ngwalombo nge Ove muya nakulwila vase vanajimbala, zalisa muchima uli nazala na vyuma vyamwaza, kuhana Kuyoya cha Hayamyaka kuli vase vali napwila, zundula vangamba Jove kwambulula Mujimbu, kuhana kuka vakakuviza na kuyanda, pwenu na upahu kuli Ovelyavene, mwomwo Ngunalihane amilyavene na Lizu Lyove. Kaha mulivoko lyami, kaha kuhona muchima wami, na mvishinganyeka vyami, kusoneka Jishimbi Jove, kuhichila muli Yesu Kulishitu Mwata wetu. Amena.

Omwo Nangukeza kukalwiji mulikumbi lya  
makumishilo,

Kangwazangile kwimba chizeko.

Kaha echi chasoloka nge masepa jami vosena  
vanayi;  
Kuli nakuya nakupwa Mthuumwe  
kuvandamina chize nachiya nakusolola  
nguli mujila,  
Kangweshi kuzauka Yotane ukawamiko.

<sup>128</sup> Kutala wahananga makati akulombelela, Bill? Ngulinakwivwa kulemuwa. Chumamuka ove muhana lelo? B? Ove hana ji A nawa, kaweshiko? Chosena chakwoloka, sanyika B chatete, yimwe na . . . Kati yakulombela B, nambala wani. Etu tuli nakuya nakulombela vakakuviza. B, nambala wani, hiya ali nayo? Kati yakulombela B, nambala wani, kunyima okwo kunyima okwo. Twaya kuno, pwevo wakalemesa. B, nambala tu, katula livoko lyove. Uze pwevo wakalemesa? Nambala seli. B, nambala seli, unahase kuzundula livoko lyove mwane, shikaho Ngunahase kumona okwo. Seli? Nambala fwo, B, nambala fwo. B, nambala faifi. Unahase kuzundula livoko lyove mwane? B, nambala faifi. Uze lunga? Chosena chakwoloka, sikisi, seveni, eyiti, naine, teni, leveni, twolufu, seteni, fwoteni, fifiteni. Chamwaza, hano, echa ji B vosena vemanu, kalakwosena. Kupwa . . .

Chize . . . [Hatepu hapimbi—Muka.] . . . ayile mukaye kosena, kala kamishonali wamukulwane muwande, kala kwosena vakiko vanahase.

<sup>129</sup> Makati B akulombela osena imanenu kaha pwenu muchihela kutesekesa na jinambala jenu.

Jino, chumamuka chashishileho? A? Hiya apwile na kati ya kulombelela A, wani? A wani, halihi ili? Punduvane ili hano. A, wani? Vakiko vavahanyine makumbi avali, mokomoko vatatu jino, shikaho vakiko pamo kaveshi kupwa hano ko. Vosena na kati yakulombela A, jino enu mumukana hano. Yako lika nakumbango, nakalemesa.

<sup>130</sup> Ngwatondo kuhanjika kuli enu chakuzeneka makati akulombelela, munyutu kaha shimbu kanda mukana chiputuke.

<sup>131</sup> Jino, na kati yakulombela, yikwate mulivoko lyove mangana vanyike vamaunga vatambule kati yove yakulombela. Ove unapunga nakuvandamina, enu livangenu na chingoloshi nakutambula kati yakulombelela, kaha twayenu mumukana. Ngwakushikile ove, kukulombelela ove. Jino Nanguya nakweseka kulama lushiko lwami, Kalunga angukafweko.

<sup>132</sup> Uze ikiye kanyike wove walunga? Umwe wamundende. Mwane ngukonekelenu. Ou pwevo hano kupwa muyachi waka America wamwenemwene. Kanyike kenya walunga, na ovoloshi na kahuma. Pwevo wamukweze na kambu jajisuku, na ndeleji yamwaza. Kalunga amukisule na lizuvo yenyi, kaha lunga lyenyi, vamwe vase azanga. Uze vene wamwenemwene U.S.A., na “Mukakulishitu” kusoneka helu yacho. Mavoko amasuku

kupwa nge ngachize! Ngukonekele yami, pwevo wakalemesa wamundende, kuhanjika echi, oloze Nguli kaha . . . shikaho uze muthu nahase kumona chumamuka Ngwashingtonyeka kusoloka nge Mukakulishitu; nakusoloka, chumamuka chamuyachi chili, kupwa kaha pwevo wakalemesa.

<sup>133</sup> Kalunga akukisule, Ndumbu walunga Sullivan.

<sup>134</sup> *Uze Chimbanda Wamunene*, kachi ove muya.

Uze Chimbanda Wamunene jino ali  
hakamwihi,  
Ove Yesu wakeke;

<sup>135</sup> Enu mwafwelela muli Ikiye? Enu mwafwelela nge Ikiye apwa Chimbanda Wamunene? Jino kupwa kaha nakalemesa hakatando kakandende. Etu kupwa na lwola lwalundende, Kuvatula mujimbu kupwa wamwihi. Ngwatalila ove kupwa na echi, chipwe, chumamuka chalumbunukila. Fwelela kaha na muchima wove wosena. Omu vakiko vapwile vosena mumukana, muthumwe kukinduluka mumukana na vathu. Eyo? Chumamuka unahanjika? Jino vosena vakwechi makati akulombela yimanenu.

<sup>136</sup> Enu mwafwelela kuze, nawa, chakuzeneka makati akulombelela? Kachi ove muya nakupwa nalufwelelo, Kalunga mwaya nakukusanyika *ove*. Jino, makati akulombelela mumukana.

<sup>137</sup> Uze kanyike wapwevo wamundende natwame kunyima kuze, na lihinji lyalipi, hano hali echi. . . Ove wafwelela nge Kalunga mwaya nakukulingisa kupwa kanawa? Kachi ove mulinga, pwenu nalufwelelo kaha na Kalunga mwaya nakukuhanacho ove.

<sup>138</sup> Shingenyenu hamisongo ya iso mwaya nakupwa kanawa? Ove wafwelela, ove naupwa nacho.

<sup>139</sup> Ngachilihi ngana kuze, kulombela ha muhya wove na ukalu wamuwongo? Ove kushinganyeka Kalunga mwaya nakumulingisa kanawa? Pwevo wakalemesa, natwame kuze, kachi ove unafwelela echi, ove unahase kupwa nacho.

<sup>140</sup> Enu vosena namuya nakufwelela?

<sup>141</sup> Jino Ngwatondo. . . Vangahi vandumbwami vali hano, vakakunangula vamu Mujimbu wamwaza, vakakunangula vamu Full Gospel mokomoko kala mwosena omwo vali, vaze vafwelela mukuka cha Ukalunga? Katulenu mavoko enu. Ngunashinganyeka enu kwiza hano na kukafwa yami kulombela avathu, shikaho chize vathu kumona chize kuzeneka yami kulombela vathu, naove nawa. Twaya kuno na kwimana hakamenga na yami. Munahse, vandumbwami, enu vakakuzata? Twaya jino hano na kwimana hano hakamenga. Chize chamwaza. Ngwasakwilila, vandumbwami. Ngwasakwilila. Twaya kulutwe, vandumbwami, twaya.



<sup>142</sup> Kuhanjika ika? [Ndumbu walunga ngwenyi, “Kumana etu natupwa na mukana yivali hano?”—Muka.] Eyo, enu munahase. Lingenu mikina yivali hano, namuya nakupwa kanawa. Chize chamwaza. Jino kwalumuna eyi jila yikwavo, ndumbu walunga. Nakujinguluka muli eyi jila, Nguli nakuya nakuneha vathu hano vene. Jino enu vamwe muli kusali ya yami, muno vene, kachi enu namuya, kwimana nakujinguluka kusali eyi. Mukiko kaha.

<sup>143</sup> Jino, kulikungumbuwa, enu mwamono ava malunga vamwaza hano? Vakiko vanapu malunga vaze navaya nakwimana hano vene, kaha kwimana hali ou Mujimbu vamwaza woumwe uze Nguli nakunangula. Talenu? Vakiko vejile hano mwomwo vakiko vafwelela muli Chize. Jino ove watela kupwa wakulivwamba hakupwa na kafunga uze mwalisolola lyavene hali uno kamenga, kupwa, kunangula changolo. Kuze kuli malunga vaze vakwechi kusoloka, uze atachikiza ngachize... keshi yami kupwa wakufumbukila ava vathu, lwolaumwe etu kupwa na kukwachiwa nakwingila mujizachiso kulingisa etu... Jize jizachiso jize chuma etu kufumbukila; keshi lunga, ngamba ya Kalunga.

<sup>144</sup> Jino, kachi etu twapwanga na kutumbununa hali wosena hano, kaha ove mushinganyeka ngachilihi Nanguya nakupwa hano? Nanguya nakuholoka omu Ngwambachile ha... hanyima ya sikisi, faifi mokomoko sikisi, teni; wamundende chikuma, pamo chimbwa, chimbwa cha mukana, Nanguya, vaze vosena navaya nakupwa wakulombela. Etu katweshi kuhasa kulinga chizeko. Kaha nge omu chili... oloze enu kamwatela kupwa nachize ko. Ove unatachikiza ukalu wove uka. Ove unatachikiza chumamuka ove unalingi, jino kwitavila jishili jove. Kachi kala ove kuze kupwa na kamwe kakukakasana mumuchima wove, mbata echi mukwoloka jino kaha kamulweka kalunga kukukonekela. Kachi ove kaweshi wakwoloka na Kalunga ko, mulweke Kalunga kukukonekela. Kachi ove kaweshi, kaha ove kaweshi wakwolokako na Kalunga, katweshi nakuya nakulinga chipwe kamwe kamwaza nakuya nakuhita hano. Ove uli kaha nakukulisa lwola lwove. Echi chinapu muchano. Jino, echi chakwoloka, vandumbwami? Echi chakwoloka.

<sup>145</sup> Tala hano. Hano hakiko Ndumbu walunga Kidd hano. Ngunatondo kupula jitayela ya motoka kupwa muli ikiye, pamo mwaka mokomoko yivali okwo, na... Ikiye apwile nakufwa na kansa, kuya nakufwa lize likumbi. Pwevo lyenyi angulwekele yami, ngwenyi, “Kuzangula!” Ngwenyi, “Ikiye ali nakufwa jino.” Omwo Ngwayile kuze, Mwata amuhindwile. Kaha hano ikiye hanga emanyine. Ngunashinganyeka ikiye kupwa na *chikuma* kulema na vyumavimwe. Kaha umwe wamwaka, kunyima, ove unatachikiza. Uze apwilenga muyachi wa lunga Ngwapwile nakuhanjikaho, myaka okwo, uze anangwile; kaha kupwa hazevene hali nlize Lizu, kaha vathu kumuseha hali ikiye. Kaha ikiye na pwevo lyenyi kutambuka mujila ya njanji

na vyuma vyosena nawa, kaha mujila yakuya mujipili, kaha mukoti ya coal, kaha kufumako, kaha kumumbilamo mujele, kaha vyumavimwe nawa. Uze ikiye lunga uze alizakuzungisa kungalanya fweto, uze ukiko muyachi.

<sup>146</sup> Jino, vandumbwami, Nanguhanjika kuli enu, enu kamweshi kupwa na shipilitu ya kutumbununako. Chize kacheshi kupwa, talenu, chize—chize kacheshi chakutamoko. Chuma chatete, ove uli muthu wa Lizu. Enu muli kanawa, vakakunangula vavavulu kuhambakana Yami, mwomwo Nguli—Nguli keshi chikuma mukakunangulako. Oloze Nguli... oloze ove uli—ove uli wakuwavisa, kala muthu uze vavuluka kunangula Mujimbu wamwaza vavuluka ngwavo kuhindula vakakuviza; kutuma chivene chili: “Yenu kukaye kosena na kunangula Mujimbu wamwaza kuli vathu vosena. Wosena mwafwelela na kumujimika navamulwila. Evi vinjikizo navikakavangiza vaze vakakufwelela. Kachi vakiko navahaka mavoko hali vakakuviza,” navyangocho, “vakiko navakayoya.” Kachi ove vakusanyika kupwa mukakuzata, ove vakusanyika nakulombelela vakakuviza.

<sup>147</sup> Kaha mulonga Ngweji kulinganga ngachize kulikungumbuwa... nge vakiko kumona chize vakiko kaveshi na kuvandamina vathu vamwe vamwazako, Oral Roberts, Tommy Hicks, Tommy Osborn, amilyavene, mthuumwe uze ejile ha kutangisa cha kuka. Ngwatondo vakiko kumona nge enu munapu malunga va Kalunga. Talenu? Ove unapu muthu... Kupwa kaha nge omu unoloka kunangika mavoko hali kala muthu nge—nge omu Nguli mokomoko kala muthu weka. Hanyima ya vyosena, vandumbwami, enu vosena munejiva, nge—nge vakakuzata, lunapu lufwelelo lwavo muli Kalunga lweji kuzatanga mulimo. Echi chakwoloka? Etu tweji kuhananga kaha kulomba hali vakiko.

<sup>148</sup> Jino enu ngwenu, “Ndumbu walunga Branham, napu Shipilitu Wajila kuze na enu?” Punduvene. Eyo, mwane!

<sup>149</sup> Jino kuli enu mulikungu-...mumukana, kachi enu kufwelela na muchima wosena uze Kalunga mwaya nakukuhindula, katula livoko lyove, hanjika, “Nanguya nakwitavila echi.”

<sup>150</sup> Jino, twaya hano, echa echi—echa ou pwevo wakalemesa ejile hano. Kangwakutachikizako, Kanda lyehi ngukumone. Kachi Shipilitu Wajila mwaya nakungulweka, shikaho vandumbwami hano, kumeso hano nge ngachize, shikaho vakiko vosena kwimana hano kuli yami. Kaha keshi ngocho kahako, vandumbwami vali hano, kaha Mwata wami ali hano. Ali Mwata kavo, nawa. Jino, kachi Ikiye mwaya nakungulweka chumachimwe chakuhenga na ove, kala chuma chakuhenga na ove, enu namuya nakutachikiza nge unapu muchano mokomoko nduma. Ngwatondo vakiko, Ngwatondo likungumbuwa,

Ngwatondo vathu kuze kumona nge Shipilitu Wajila hano hakamenga kuhana kutumbununa, oloze chize kachahindula kalamuthuko. Oloze kachi Ikiye mwaya nakungulweka chumachimwe hali enu, nge munatachikiza Ngunahono kutachikiza chuma chimwe hali echi, chochimwe nge omu apwile pwevo haze ha lishima. . . Keshi muyachi woumwewe, oloze Ngunatwale nge lunga na pwevo kuliwana halwola lwatete. Yesu, muyachi wa vupu lyalunga, kaha uze pwevo pamo apwile mukweze wapwevo, pamo nge ove.

<sup>151</sup> Kaha kachi Ikiye mwaya, nahase kungulweka chuma muka ove uli hano, ukalu wove, ove nahase kufwela chize nge muya nakupwa na Shipilitu Yenye ize nayizata? Enu vandumbwami mwafwelela echi? Uze Mwata youmwewe Yesu nemana hano? Enu likungumbuwa mwafwelela chuma chochimwe? Munahase mumukana wakulombelela kufwelela chuma chochimwe, kaha kutachikiza nge ava malunga. . .? Unahase kuvasanyika hano kachi Ngunashinganyeka vakiko kavapwileko. . .? Hanyima ya kunangula nge echi, kaha kuhanjika vyuma Nguli nacho, kaha jino kusanyika malunga hano chize kachapwile wakutelako? Kangweshi kuhasa kulinga chizeko. Nanguya nakuhonesa vhumu chivene chize Ngwapwile nakuzungisa. Talenu? Ngwafwelela muli vakiko. Ngwafwelela vakiko vapwa malunga ja Kalunga.

<sup>152</sup> Jino talenu kachi Shipilitu Wajila nemana kanawa. Hanjika kaha na ove, Nguli nakweseka. . . Ove ngwove, “Chuma muka ove uli nakulinga, Ndumbu walunga Branham?” Chuma chochimwe Yesu alingile na pwevo, ngwenyi, “Ngunehele Yami meya ngunwanga,” Ikiye apwilenga nakweseka kuahnjika ha munyutu, kuwana ukalu wenye uka wapwilenga.

<sup>153</sup> Ukalu wove uli kulizakamina, chikiko ove uli nakuyanda na. Kachi echi chakwoloka, katula livoko lyove. Jino, ikiye punduvene katalile hali echi, keshi ngochoko, vandumbwami? Ikiye keshi, oloze chize chikiko ikiye apwilenga naukalu. Ikiye napunga muli nize jila lwola lwalusuku. Lwolalwosena kuzauka vyalo shimbu kanda uhete kuli vakiko, na vyangocho. Uze unapu muchano. Chinapu kutungiwa chove, kupwa na chize ili ize jila, yakulizakamina; lwolalwose kujina chumachimwe kusoloka, kacheshi ngochoko. Lwolalumwe liyavolo kukulweka, “kakweshi chuma kuli Echi, ove unalimbuka kaha, ove unatumbuka museto.” Kangweshi nakutanga vishinganyeka vyoveko, oloze Nguli nakutanga chumamuka. . . Ngunatachikiza chumamuka ikiye ahanjikile kuli ove hali chize, mwomwo Ngunamono chumamuka chili muwongo wove.

<sup>154</sup> Jino, Yesu atachikijile vishinganyeka vyavo. Echi chakwoloka? Chamwaza, chize chikiko chasolokele hano vene jino. Echi chakwoloka? Hano, echa ngumilweke chumachimwe, nge enu munahase kutachikiza. Enu muli vene munemana hano hali muthuumwe weka. Echi chakwoloka. Echi chikiko

chuma, mwamono, enu kamweshi kuhasa kuchikwachilila palanga jino. Jino, kachi Mwata mwaya nakusolola kuli yami chumamuka ove unemanyina hano, hali mthuumwe nawa, ove muya nakungufwelela yami kupwa kapolofweto Kenyi? Ali mama yove. Ove wafwelela Kalunga nahase kungulweka ukalu wenyi uka? Chamwaza, ikiye apwile naukalu wa muchima, manyinga kulaha chikuma, malolwa mujiso, maukalu. Echi chakwoloka, keshi ngochoko? Talenu? Jino, ou ikiye Shipilitu Wajila, keshi ngochoko?

<sup>155</sup> Jino, kuli chumachimwe hano hali yami na hali ava vandumbwami. Talenu? Chumachimwe hano jino, ou Shipilitu Wajila. Jino, enu mwafwelela; enu, shimbu etu natuhita mumukana.

Echa tunongamenu mitwe yetu shimbu etu tulombe hali ava vathu.

<sup>156</sup> Jino, Tata wa Mwilu, etu natuya nakuhaka mavoko hali ava vathu. Kaha Nguli nakuvalombelela jino. Hano hakiko hali ngamba Yove ya wangana kwimana hano, kaha etu tuli vosena nakuya nakuhaka mavoko hali vakakuviza, mwomwo Ove ngwove linga echi. Etu natuya nakulinga echi mu Lijina lya Yesu Kulishitu. Echa vathu vahone kuhita, oloze echa vakiko vezenga nakuhita mu Lijina lya Yesu Kulishitu. Amena!

<sup>157</sup> Ou Mwata akukisule. Jino tambuka kanawa hakamwihi.

Mu Lijina lya Mwata Yesu, hinduka. . . Mu Lijina lya Mwata Yesu, hindula ndumbu walunga. Mu Lijina lya Mwata Yesu, hindula ndumbwami wapwevo.

<sup>158</sup> Jino, munyutu kaha—munyutu kaha! Talenu! Ndumbu walunga na ndumbu wapwevo, mwomwoika ove unawahilila omwo uze pwevo, omwo kutumbununa kusoloka, kaha omu veka kwiza nakuhita kakweshi chumako? Vathu kuhita, “Chamwaza, kachi Kangweshi, pweni na kutumbununa, chamwaza, kahajino Kangweshi kupwa nachuma chimweko.” Chize kacheshi nachuma chimweko na echiko, Ikiye ali hano mwomumwe. Talenu?

<sup>159</sup> Omwo enu namuhita hano, twayenu na mavoko enu helu, nakuhanjika, “Ngwakusakwilila Ove, Mwata Yesu. Ngunetavila Ove kupwa Mukakuka, kaha Nguli kaha nakuya nakutwalilaho na echi. Umwe wa vaze malunga kuya nakupwa nakungujimika, Nguli nakuya vene muze muchijiva cha meya kaha nakungujimika, kaha kulovoka na kutachikiza nge Ove washikile nge Nanguya nakutambula Shipilitu Wajila.”

<sup>160</sup> Talenu, echi. . . Chize kutumbununa hanga chili hano. Hanga chili hano, chochimwe nge. . . Hano, echi chili? Ou lunga hano? Yami ngungeji kuli enu. Yami, mwane? Kangwakutachikizako. Munahase. . . kachi Kalunga mwaya nakungulweka ukalu wove uka, nauya nakungufwelela yami kupwa kapolofweto Kenyi, ngamba Yeniyi? Ove muya

na muchima wove wosena? Chosena chakwoloka, mwane. Ngwasakwilila, mwane. Ou ikiye shipilitu ya mwaza, chuma chamwaza. Hanyima ya vyosena, enu munemana hano hali muthuumwe nawa. Echi chakwoloka. “Napu muzukulu wove, akwechi kalepa, kuholoka likumbi likwavo nakulihokola lihinji,” omu mukiko MUKIKO MWANAMBE MWATA! Echi chakwoloka? Echi chakwoloka! Yako na kufwelela jino, kaha ikiye mwaya nakupwa kanawa.

<sup>161</sup> Jino, twaya nakufwelela, muthu wosena, twaya kaha. [Mukana wakulombelela wamakumishilo ha minyutu yitatu na seti eyiti, mazu amavulu a Ndumbu walunga Branham anapu akulimanyina—Muka.]...?...

Kukisula lungoji lunahase kukasa  
Michima yetu mu zangi ya Vakakulishitu;  
Kulikata cha vishinganyeka  
Chili nge chize Helu.

Hano kumeso a Litanda Iya Tata,  
Etu kuhingununa lilombo Iya keke;  
Woma wetu, malutalillilo etu, kufwila chetu  
kupwa umwe,  
Kusuuluka chetu na kuzakama chetu.

<sup>162</sup> Etu tunemana hano, mwana Kalunga wamundende ali nakalepa, kapuputa, wakukalava. Vakakuzata vamu Mujimbu wamwaza, munatachikiza etu katweshi na ngolo jakukako. Oloze Mwata Wamunene Yesu Kulishitu kutuma vinjikizo, kaha kupaisa uze liyavolo uze nakukasenga. Etu natupaisa liyavolo...?...Etu tweji kupaisanga kapuputa...?...

<sup>163</sup> Mu Lijina Iya Yesu Kulishitu Mwana Kalunga, etu twalombo nge Kalunga mwaya nakuvahana lufwelelo kufwelela nge kulomba cha lufwelelo chinalwili vakakuviza, kaha Kalunga mwakaya nakukasanga, kaha vakiko navakaya nakupwa kanawa cheka. Tuhane echi, Kalunga Waundume, kuhichila mu Lijina Iya Yesu Kulishitu.

<sup>164</sup> Jino, enu vandumbwami kutambuka nakufuma kuze...?...

<sup>165</sup> Enu vosena muli mukulomba jino, shimbu etu... vakakuzata vali nakuvalombelela, nawa, jino. Etu twalombo, kuhaka mavoko hali.

<sup>166</sup> Tata wa Mwilu...

Kuli enu muli okwo mulikungumbuwa lize kalyahashile kupwa mumukan, haka livoko lyove hali umwe namukwavo jino. Haka mavoko enu hali umwe namukwavo.

<sup>167</sup> Ove Tata wa Mwilu, etu tulinakuneha Ove likungumbuwa shimbu natusoka kutangisa nakuvilika mwishi yakutambakana cha Yesu Kulishitu, uze wamunene Kapilishitu Wakulitulaho wa Kalunga, Emmanuele, kwimana, kusanguka kufuma mukufwa, wakuoyoya kupwa lihako; Kupwa Chenyi chachinene jino na etu,

Ngolo Jenyi ja kujila hali etu kumona vimweno, kupolofweta, kuhaka mavoko hali vakakuviza. Kalunga ukwechi Lizu lyakuzeneka kuhona kanda lihiluke kuli Ikiye lyaupologwa. Ngunapaisa kala liyavolo wa misongo, ngolo josena ja shili, kala kuzeneka kufwelela, mu Lijina lya Yesu Kulishitu, echa kulimwanga kufuma kuli vathu kaha echa vakiko vapwenga kanawa.

<sup>168</sup> Kisula ava vakakuzata muliuka, Mwata, shimbu vakiko vanakunguluka hamwe na muchima umwe nakujina chimwe, kaha vakuhona kulinangula cha liuka. Ove Kalunga wa Undume, kuli eyi Middletown, Ohio, tuma kuhizumuka hanyima ya echi, Mwata, nge kuya nakuhita kusali, kwiza hamwe na vifuwa, Mwata, kaha chiuva cha chikova. Kaha echa ngolo ja Kalunga kukatuka liuka lyalinene lya kulinunga muno mumbongi ize nayiya nakukomba, chakutalilaho liuka, kwosena kulifuchi lyosena, nge vathu vanahase kwiza nakwingila mumbongi kumona ngolo ja Kalunga. Tuhanecho echi, Mwata. Hindula vakakuviza na vakuyanjiwisa, lwila vakujimbala, kaha tambula upahu kuli Ovelyavene.

<sup>169</sup> Tuhane echi, nge malesu osena na tuma tumwe twakutuma vanahake aha hano. . . Ngwalombo, Mwata, nge Shipilitu Wajila hali etu, kaha muli ino zuvo yakuwavisa, echa vosena apwenga kanawa. Echi vachisoneka mu Mbimbiliya nge omwo Isalele apwilenga mujila ya mulimo, mujila yavo yakuya kulifuchi lya lushiko, nge Kalungalwiji Uchila engilile mujila. Kaha umwe kusoneka ambile ngwenyi, “Kalunga atalile mwishi kuhichila mu Panda ya mulangi wa Kakahya kaha Kalungalwiji Uchila alizakaminyine kaha kutambuka kunyima, kaha Isalele ayile kulifuchi lya lushiko lize vashikile.”

<sup>170</sup> Kaha jino, echi chili mu Mbimbiliya, vanachisoneka, “Nanguya helu lya vyuma vyosena vize ovejukila mukulikangula.” Kaha omwo awa malesu mweza kuli vathu, kuze Satana ahakile Kalungalwiji Uchila kumeso avo, echa Kalunga atale hamavu kuhichila mu Manyinga a Mwa Nenyi, Yesu Kulishitu, kaha kupaisa kala misongo kulivaze vanahono kupwa hano; kaha echa misongo yifumeko kaha pwenu nawoma wa Lizu lya Kalunga kaha lushiko lwa Kalunga na kuwavisa, kaha echa vathu vahite muze mulushiko lwa kulikangula chamwaza na ngolo. Tuhane echi, Mwata. Kaha etu tweji kujihana vyosena kuli Ove, mu Lijina lya Mwa Nove wakuzanga, Mulwilo wetu Yesu Kulishitu. Amena.

<sup>171</sup> Likungumbuwa, kuli Ikiye uze atachikiza etu vosena, kuli Ikiye uze atusangwile kupwa luheto Lwenyi muno mukaye, mu liuka Lyenyi, echa kukisula cha Kalunga chipwenga hali enu vosena palanga natukaliwana cheka. Kutanga chetu chikwavo, kutachikiza, nachiya nakupwa ha mbalaka, Chalumingo nachimene, Chalumingo cha Paseka na chimene. Kahajino Nguli nakuya ku. . . ku Illinos kufuma muze. Vakukisule, mauka

enu osena, tala awa mauka amwaza, kwata michima yenu hamwe. Twama ha Lizu Iya Kalunga! Muyoyele Ikiye, hachuma chachikalu kupwa kumeso ove, anuka chize!

172 Palanga etu natukaliwana, echa twimanenu na kwimba:

Ngwamuzanga Ikiye, Ngwamuzanga Ikiye  
Mwomwo Ikiye avangilile kunguzanga yami  
Kaha alanjile ulwilo wami  
Ha mutondo wa Kavali.

173 Jino, nakavumbi, kulimeneka mumavoko na muthuumwe kunyima ya ove, kulutwe lwove, kaha kusali yove.

Ngwamuzanga Ikiye . . .

Kalamuthu jino.

. . . Ngwamuzanga Ikiye  
Mwomwo Ikiye avangilile kunguzanga yami  
Kaha alanjile ulwilo wami  
Ha mutondo wa Kavali.

174 Jino na mavoko enu kuli Kalunga, helu chikuma jino, kalamuthu kupwa nakwimba.


Ngwamuzanga Ikiye, Ngwamuzanga Ikiye  
Mwomwo Ikiye avangilile kunguzanga yami  
Kaha alanjile ulwilo wami  
Ha mutondo wa Kavali.

175 Echa tunongamenu mitwe yetu jino.

Palanga etu natukaliwana! palanga etu  
natukaliwana!  
Palanga etu natukaliwana kumahinji a Yesu;

Anuka, enu vavavulu katweshi kaliwana chekako palanga kuze.

Palanga etu natukaliwana! palanga etu  
natukaliwana!  
Kalunga apwenga na enu palanga  
natukaliwana cheka!

176 Jino huuta echi. Kafunga kove. Ndumbu walunga Sullivan, palanga etu natukaliwana, ndumbwami walunga. 

61-0319 Kulifukula Cha Yezevele  
National Guard Armory  
Middletown, Ohio U.S.A.

LUVALE

©2024 VGR, ALL RIGHTS RESERVED

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)



## Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembu kupwa wakuzachisa kuli muthu hakapanji kenyi mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonekelenu ku:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)